

楓潭詩序

六經之義一也毛詩三百篇獨有韻耳必以韻者或曰流傳之易而諷勸之多也後世文人之言曰詩正而葩夫葩誠亦有之然豈詩人意哉予為童子時誦習三百篇雖但為舉子業然詩之義古人之性情亦既章章可睹矣竊自以他日為詩亦學為如是而已間見後世所為律詩則詫曰韻



非古也而重以偶也情匪固有語不由衷  
詩誠若是雖謂壯夫不為可也已而試為  
之為之既久不惟不之非且甚好之矣蓋  
至於今二十餘年而又悔之乃知童時之  
見真見也近有問予近體詩抄者予應之  
曰其來久矣且柰之何哉吾為刪其穠艷  
黜其纖巧去其其詠物斥其浮誇斯去古  
詩為不遠矣不然徐庾之作猶近體也何

以為古詩吾友楓潭萬君嘗言空同李子  
自叙其弘德集而有感於曹縣王叔武之  
言若是乎空同之悟於詩也然空同有感  
於叔武之言而楓潭有感於空同之言則  
楓潭之悟詎出空同下哉楓潭之詩類陶  
韋然往往有奇氣類其為人陶韋之詩雖  
為平淡及讀陶之詠荆軻韋之逢楊開府  
又何其豪放也吾於楓潭亦云叔武名崇

文近見其所為詩不逮空同遠甚矧於陶  
韋豈能正而不能葩耶然其見則真見也  
說者蓋以比宋嚴滄浪云

辛酉仲冬吉日蜀近譬軒居士謝東山書  
於山東之保釐堂

楓潭集序

南昌萬子懋卿氏以福建右轄當之任道  
臨川出其所為楓潭集者良傳受而次之  
為定著詩若干首文若干篇凡二卷叙曰  
世有魁壘卓詭不羈之士盛年壯志欲有  
所表樹而不幸齟齬以窮歛其銛穎自放  
於山巖水涯煙雲蟲鳥草木之間託物連  
類鉤深抉微窮變達化以發舒其壹鬱不

平之氣而寫人情之所難言蓋自靈均子  
長則然矣而論者遂謂詩必窮而後工嗟  
乎如以其窮也清廟明堂物則秉彛之訓  
列于經而著為雅頌者窮耶達耶夫鈎抉  
微隱宣其壹鬱而有餘思窮之所長而達  
之所不能兼也潤色景業鋪張揚厲以鳴  
國家之盛達之所長而窮之所不能兼也  
是窮亦有所詘達亦有所過之而詩豈顯

於窮哉抑尤有進於是者詩本天機緣性  
而達君子繕性治情澤于中和則其辭不  
索而獲不刻而至而窮達又非所論爾矣  
懋卿為諸生時講學於廬山白鹿書院後  
遊大宗伯歐陽南野先生之門既成進士  
為縣令為給諫七轉而至今官無日不踐  
亨境而其詩冲然而和油然而光庶幾不  
索而獲不刻而至者斯則性情之效而非

劇鉢之力如曰必窮而後工也懋卿奚以哉予蚤與懋卿同官後在諫垣以不能其官罷歸窮且滋甚而探其中竟汗湯無所得予誠愚不足論然而懋卿者亦良難也當時同官又有今提學吳子峻伯僉事馮子汝言與懋卿皆富覽能文章倘使予盡得而見之而叙之則予雖汗湯無所得而得挂名三子之籍以行于遠其亦足幸也

已予豈真窮者哉因懋卿以視二子何如也

嘉靖丁巳歲夏六月己酉少初山人徐良傳謹撰

楓潭集鈔敘

中丞楓潭萬公江表高流臺端元望紬經  
邦之餘文騁藝苑之遐軌其官輟所臻北  
歷燕音東遵鄒魯南略牂牁西窺蜀藻踰  
岱峽以冥搜浮沅湘而洪濟朝躋夕汎寓  
目嘆逝述懷紀遊訓藻日富積而盈編好  
事者帙為二集一題曰竹坡齋一題曰晉  
陽倡和孝豐吳叅政臨川徐給事各敘其

端公自不滿假復屬余為之鈔焉比公歷  
官中外余託迹羣公間隱顯雖殊追隨頗  
合每叨倡酬迄載之集猥辱公知嘗報之  
曰大家如杜後人多鈔其集至於王孟之  
集無容別鈔蓋王為其弟紹所集孟集於  
元倉子清鑒既精騰聲斯永嗟乎作者固  
難知之不易余匪其儔敢承其濫惟公之  
詩情緣於性興生於感本之自然冲寂之

中襟懷超曠時出俊語此蒙莊所謂性中  
之天竇也故不其工而自工斯為至工至  
工之不可工非工之者之所可至吳之敘  
謂公之工得諸天者獨多殆知言哉余湯  
為僭取徐所編者若干卷為鈔時竊吟咏  
颯颯乎流鬯物外清微幽韻淒如風壑寒  
松英繼雄裁驟若駿駛鷹瞥然則是鈔也  
豈非瑤圃之菁華文犀之冢角乎寶之祕

乘以俟同好則公之繼響王孟余之無愧  
賞音不其信然嘉靖歲之辛酉蜡月既望  
九舉山人顧起綸玄言甫撰

楓潭集序

楓潭集者山東方伯洪都萬懋鄉所著詩  
文而臨川徐子弼為之選次者也懋鄉子  
弼與北海馮汝言皆余同年進士而四人  
者並仕毘陵合趣同方以膠投漆不啻兄  
弟茲子弼序懋鄉集欲兼得汝言及余集  
序之以為幸邇懋鄉手其集顧余笑曰子  
知選次吾集者乎余曰殆少初子也夫余



與子獨別幾十年臨川距歷下幾三千里  
乃子獨序懋卿集輒思余余未得觀懋卿  
集輒知序必為子獨且懋卿交游徧中外  
誰惜為懋卿執筆者顧先屬子獨序今特  
又屬余序三人者契誼與其睽離眷懋之  
懷相見稠繆之喜詎尋常把臂宴昵同其  
臭味哉余既讀懋卿集竟言曰甘受和而  
五味之變不可勝嘗白受采而五色之變

不可勝觀甘天味也白天色也用以成之  
而為五乃以禱之而為變愈變愈禱愈禱  
愈下未始有加於成也由晉迄唐沿於今  
日詩凡幾變亦不可勝論矣蓋窮情組狀  
引物連類鉤深抉微無不極其致焉世人  
論詩往往忘其性情心術而輒較體裁聲  
調定工拙之倫猶之口賦醅醲目眩僑僑  
以求所謂天味天色安能識也懋卿詩不

為瑯琊粉繪觸事感時覽滕裏友每敷篇  
什清爽瑩潔弗冒塵氣其警語散見輒臻  
悟脫雖終日吮毫沉思求矇者亦讓工焉  
至所為文亦直寫己意切事近人未嘗模  
擬自成材構以是知懋鄉得諸天者獨多  
如味之有甘色之有白也懋鄉洞達係諒  
由縣令入諫垣數遷至今官余見其居位  
律身謀國急友久暫如一日蓋能全甘白

之天而未嘗受變於俗者噫惟有不變之  
志乃有不變之言哉詩言志信矣子弼以  
給事中格時返初服油油學問与俗相遠  
其天易遊焉而余與懋鄉汝言猶徘徊藩  
臬之間指子之所懼磨磷而涅緇者懋鄉  
汝言翼余之孱弱以共砥於甘白之義俾  
子弼他日之樂於序汝言及余集如今日  
之樂於序懋鄉集孔子曰久要不忘平生

之言則四人者或庶幾矣故既書以題懋  
卿而并貽諸子弼汝言云

嘉靖庚申中秋日霽寰居士吳維嶽書于  
歷下之無倦堂

楓潭集鈔目錄

卷上

毘陵舟夜與馮明府言別

席上別陳鳴野

同王仲山雨中泛梁溪作看山圖

送同寮詹少尹遷涪州判官之任

雪夜懷陳鳴野

明妃三首

鋤禾

山中曉行

同方宜興遊善卷洞因懷吳江陰

採蓮曲二首

秋夜與蜀友舟中坐談

鵝湖訪華憲副高峯舟中卽事二首

答楊秘圖惠草書

九月應召北上畱別同寮涂主簿

與吳霽寰同懷徐少初臨川守制

安慶與峻伯別

月下行

京師懷南還人

金陵中秋夜坐懷施子羽

送王職方奉使遊匡廬

徐二十三給事有詩見寄次韻答之

春日飲徐氏西園

春日寄懷吳法曹霽寰二絕

送同年侯比部告病歸樂清

春日遊牛首山同仲山讓溪蟠峯兩溪

諸兄

宿燕子磯

金陵喜雨

玄湖懷古

湖上晚眺

金陵留別龔北沙

宿圓通寺見壁間舊作

秋夜華戶部邀飲琵琶亭

河南道中作

秋夜行

中秋保定途中宿明月店

秋夜潞河舟中留別顧長治

懷顧長治有金陵上元之約

天津舟次待月

同廬陵黃侍御夜過寶應湖

舟中別泰和陳賓原因寄朱鎮山

烏江廟

送王倉曹遷九江太守

德州陳氏守節幼姑張氏同居相得遂  
誓不字同節而終楊侍御爲雙節卷  
表之因有此作

別離作

和尚港登大悲閣

渡黃河

東平道中九日懷留都

闕里

妾薄命

雨中後園葵

灤上同丁南溪伊山泉邵甘澤飲蘇舜

澤園亭畱別

新鴈

春夜乘月登泰山

泰山絕頂

宿靈巖寺

臨清買婢惜其美贈而還之

京師送萬丞之金陽

與諸同年送馮少洲分韻得交字

金臺同馮少洲吳霽寰席間懷徐少初

分得清字

逢舊友包大中

送朱學憲赴閩中

入武夷遲朱學憲不及

宿茶洋驛清風亭

西峽江阻風

初秋雨後登凌雲臺

哭徐波石先生死南中

清源洞簡王遵巖

漳州道中作

慰舍弟文卿喪婦

雨夜

卷下

壬子秋德州道中作

九日登泰山同熊筆山顧長治二首

雲龍山

宿包城寺

黛凝寺廢址

望夫石

雨後山行

浦城清風亭

午憇龜山寺

黃崎對月



水口送范方伯之雲南昔予亦將赴貴  
州

同諸公遊武夷

貴溪聞歌有感

送陳太守擢廣西憲副之任

分宜卽事

宣風館次陽明先生韻

渡湘江

午日臨沅城樓同鄭葵山方伯曾雙溪

龍南岡二僉憲觀龍舟作

沅州登高明樓赴高兵憲之約

黔州道中

平越道中

秋日同高方伯謝學憲遊魚磯灣飲武

侯祠

再用前韻

中秋夕漁磯泛舟同高謝席間賦

九日登高明樓懷南山

新興公館聞鴈

岳陽樓

黃鶴樓

瑞昌訪同年陳桃源

赴貴藩至長沙宿荷塘公館

奉和撫臺歲燕

宮詞

閨情

江門驛

雪山關

青羊宮

移花

人日經桃源洞

過常德陳兵憲栢林書屋二首

登南嶽次范僉憲中方喜晴韻

于役編四首

三山用韻訓王龍溪論學二首

次范中丞茶陽驛壁間韻

訪羅太史石蓮洞

宿濠梁驛用吏部舍弟壁間韻

初至東藩與吳學憲謝方伯二公夜集

七星軒各賦

吳學憲謝左轄過園亭夜坐各賦  
述懷

歷下贈雲林上人乃謝方伯宗姪

過獲鹿懷沈思畏

栢井驛次壁間韻

宿太安驛次韓昌黎壽陽韻二首

庚申除夕同楊方伯王大叅燕集各贈

一首

送劉經歷致仕歸綿州

訓鴻山華學士見寄巖居集二首

集東寺和楊方伯韻

詠寺中牡丹和楊方伯韻

郊行和楊方伯韻

寄書和楊方伯韻

春興二首和楊方伯韻

送李叅戎赴召

送同鄉萬道士歸玉臺

郵亭對月和楊方伯韻

星輶驛次答晉中諸僚

雨花臺憶舊遺清本上人

登廬龍山閱江樓址



楓潭集鈔卷上

南昌萬 虞愷 著

臨川徐 良傳 評編

孝豐吳 維嶽 評校

無錫顧 起綸 評選

毘陵舟夜與馮明府言別 馮肯解 宜興

潮回京口渡初平。遷客揚帆指故城。計到

海洲春草綠。吳門江月共誰明。 顧云詞婉 意深起處

竹坡齋

楓潭集鈔卷上

談召寫

便似  
太白

### 席上別陳鳴野

萍水逢君無限情，愁聞江上棹歌聲。東吳

南越燈前話明日，扁舟何處程。顧云似皇

十六作結更多情，昌齡有舟船明日是長

安之句不若何處二字飛動正與孟襄陽

風帆明日遠何處更追攀相合先輩多折

唐人一句作二句為工今合二為一尤工

### 同王仲山雨中泛梁溪作看山圖

梁溪初入夏，短棹故相求。麥穗哇哇秀，春

潮岸岸浮鳥聲，花外落山意。雨中幽摩詰

乘高興揮毫對碧流。顧云五六通杜

### 送同寮詹少尹遷涪州判官之任

送子去涪州，官帆江上秋。行觀三峽水，還

上四賢樓。舊政吳中說，新聲劍外流。相思

何所寄，雲樹遠悠悠。顧云句句渾成切於風土起結似張文獻

### 雪夜懷陳鳴野

一自初春別，后山素琴清。興杳難攀越，王

江上千峯秀。秦伯城邊一水環。多病知君仍似舊。有官愧我未能閒。今宵月映梁溪雪。曾負山陰獨棹還。顧云五六得唐人情興

明妃三首

玉顏空盡漢王宮。只少黃金結畫工。不是

和戎臨出塞。一朝那得動重瞳。顧云太白有生乏黃

金枉畫圖之句此用結字意深

新曲翻殘塞上聲。琵琶不用苦含情。紅顏

盡向宮中老。誰為君王守漢城。顧云劉隨州有琵琶

絃中多苦聲今反用之亦婉東方虬何須薄命妾辛苦事和親句不及此怨而不怒

朔雲千里暗沙場。白草淒淒滿地霜。心在

漢宮身即死。還將青塚謝君王。顧云得常建漢宮豈

不死意唐人用青塚事多是悲嗟語此用謝字寫得明妃心事出三作俱緩而怨得

明妃體深於唐人張祐楊達諸作

鋤禾

鋤禾欲禾長。躊躇復何言。惡草恨不盡。



恐傷苗根

顧云唐李文肅公憫農二絕有鋤禾日當午汗滴禾下土云云

呂溫謂其有宰相器此作義同

### 山中曉行

攬衣中夜起秣馬早鳴鞭殘月不照地明星猶在天出門頻問曉歷澗暗聞泉翳翳

東林外山雲雜隴烟

顧云寓目幽深宛然景象

同方宜興遊善卷洞因懷吳江陰

與君諧舊約仙境愜追隨洞口飛泉入巖

頭恠石垂地藏千丈澗檜偃萬年枝却憶

行春客澄江空有思

寺有泉水穿山而出古檜偃地而生故云

顧云情境俱真

### 採蓮曲二首

湖上新秋納晚風小舟盪漿入蓮叢羅裙牽帶叢間刺玉手探翻葉底紅

自別郎君夜幾闌湖邊秋色共誰看蓮花妾面空相似妾意蓮心苦一般

顧云可入樂府

秋夜與蜀友舟中坐談

纖月踈星湛碧波，清宵白露瀉銀河。城傳  
畫角驚秋盡，溪汎蘭舟喜客過。對酒同君  
談蜀道，鳴橈何處和吳歌。燈前忽覺傷離  
合，江北江南意轉多。  
顧云得坐談  
感興真處

鵝湖訪華憲副嵩峯舟中卽事二首

八月尋幽偶泛槎，水邊茅屋十餘家。家  
女兒能盪漿爭入，殘荷拾落花。

一溪深入數村連，竹樹青青近客船。況是

清秋明月夜，桂花香散酒杯前。

顧云起得  
幽遠可畫

答楊秘圖惠草書

墨妙知誰聖，如君邁昔賢。閒將逸少意，湯  
草子雲玄。翥鳳縱橫見，飛烟斷續懸。山陰  
傳故事，不用換鵝錢。  
顧云全篇流麗深  
得臨池之興者

九月應 召北上留別同寮涂主簿

高秋與君別，執手梁溪上。清節久相期，離

懷忽以愴停杯既無言解纜猶長望回首  
山中泉依依未能忘顧云調雅詞秀可入選

與吳霽寰同懷徐少初臨川守制

別君忽湯又經年千里相思日夜懸徐孺  
來昔人道晚宓生歸後又思賢會同季子  
談前事每入蘭陵讀舊篇知汝山中憂未  
解題詩遙寄草廬邊吳云真情真句顧云得中唐體

安慶與吳峻伯別

共宿皖峯頭瀟瀟逢夜雨我車驅銅城君  
帆下江浦相別已成悲獨行良覺苦無能  
遣此情聊爾酌村醪徐云漸近自然顧云與雅意古與幸並駕

月下行

霜月并寒輝迢迢照行路只照行人行不  
照行人苦徐云得唐人佳處顧云閒詞冷意可以感人

京師懷南還人

有鳥欲南歸飄飄雲裏飛今宵何處宿孤

樹暫相依落葉驚幽夢繁霜棲薄衣娟娟  
枝上月千里共寒輝顧云五  
六極工

金陵中秋夜坐懷施子羽

宦遊驚物候涼颼灑庭蕉仰瞻河漢明斗  
轉西南杓年光逝如水蟬螿嘆崇朝有懷  
不可道默默坐清宵清宵復無賴月色澹  
寂寥豈乏同心人胡能遠相招蒹葭白露  
下一水何遙遙顧云  
選體

送王職方奉使遊匡廬

廬山高處可登遊雲白風清萬里秋峯影  
倒懸彭蠡月江流遙帶岳陽樓使君虎節  
觀吳楚華寶龍光動斗牛回首秦淮論武  
地上游形勝在江州顧云三  
四更佳

徐二十三給事有詩見寄次韻答之

對榻琴書一枕橫省垣曾似舊都清滄江  
雨過潮初泛禁苑春深草自生千里遙傳

歌伐木三山猶得聽遷鶯思君却恠無窮  
極夢入南州夜幾更顧云似  
二皇甫

春日飲徐氏西園

君家園傍禁城開樓閣參差接上台雪色  
久殘鳩鵲觀日華偏近鳳凰臺當筵爛熳  
春花媚繞樹翩翩夕鳥回莫惜東風多醉  
賞百年能得幾徘徊顧云初  
唐體

春日寄懷吳法曹霽寰二絕

春暖澄江江水平千花如錦照江明誰憐  
往歲栽花客只說風光似洛城

青春作伴每相求夜月梁溪幾並遊却恨  
分曹限南北朔雲江樹兩悠悠顧云情  
與俱佳

送同年侯比部告病歸樂清

都官騷雅美侯君蘭署才名早出羣鄭谷  
豈宜誇後進梅生真許續前聞肯嫌秋肅  
投丹筆愁對春寒望白雲知汝巖居能述

竹坡齋

鳳凰集卷五

八

作閒肯休看北山文

顧云風韻激昂起結更佳

春日遊牛首山同仲山讓溪蟠峯兩

溪諸兒

幽懷浩無極春暮悅辰良和風扇寰宇物  
色流輝光野卉無人識蒲山浮異香肩輿  
逐景入寧惜道阻長攀攜陟飛巘六合同  
蒼茫晴雲來飄飄輕沾羅衣裳古寺構石  
壁塔影懸禪牀鳴鐘見高僧松栝生清涼

同心豈易得佳會詎能常花下共尊酒一

詠還一觴眷言惜韶景茲遊不可忘

顧云紀遊

之作偏多藻思

宿燕子磯

蟠龍回水國飛燕落江鄉閣道沉沉夜巖  
花細細香經聲傳碧殿漁火點滄浪良夜

寧忘寐高歌酒一觴

顧云得初唐體

金陵喜雨

鍾山起朝雲。只尺不相見。好雨從東來。六月平疇徧。黍苗發新榮。憔悴忽以變。父老忻有年。兒童亦懽抃。微涼入山齋。且可親筆硯。鬱鬱嘉樹陰。衆鳥交相睠。書案有餘清流觀。自忘倦。昔哉玄化功。默契無容辯。

顧云鬱鬱二句逼陶

### 玄湖懷古

玄湖深不極。秋景垂夕光。登降縱周覽。有

懷悽以傷。涼風振林木。玉露摧蓮房。榮媚不可久。良辰詎能長。龍舟教歌舞。此樂期未央。豈謂同秋草。一朝被繁霜。泠泠湖中水。默默共斜陽。寧照碧山色。曾含紅粉粧。黑龍旣遐逝。白鷺紛飛翔。興廢胡太亟。令人發清商。

顧云景物滿眼轉換自足

### 湖上晚眺

散步湖天晚。悠然生遠心。望隨江樹盡。懷

逐海雲深遊魚悅春水歸鳥喧暮林芳景

依依入徘徊正可吟

顧云全篇閒雅五六更佳合常建山光悅

鳥性淵明歸鳥趨林鳴之句如唐殷遙遊魚逆水上宿鳥向風棲一聯便覺費思

### 金陵留別龔北沙

白鹿同遊十載前風泉雲壑五峯邊  
洞門常憶遷鶯日旅舍重吟伐木篇  
天外三山迷楚樹江頭千嶂帶吳烟  
臨岐莫惜清尊醉明日歸帆又獨懸

顧云中唐

### 宿圓通寺見壁間舊作

十年馳宦轍幾度宿圓通舊句曾留壁  
孤懷嘆轉蓬寸心雲起處杯酒月明中  
老衲談遺事歐蘇跡已空

寺有歐蘇夜話亭址顧云五六似杜

### 秋夜華戶部邀飲琵琶亭

月滿新秋夜潯陽引興賒故人陳祖帳  
約我聽琵琶江濶吞三楚山高接九華  
君才  
能作賦赤壁底須誇

顧云脫灑



河南道中作

汗漫行千里徐觀道路風因懷洛陽勝故  
繞汴城東烟火數村外絃歌幾邑中惟聞  
徵調急杼軸盡皆空

顧云五六  
似摩詰

秋夜行

涼風吹樹棲烏驚月明古道稀人行道傍  
少婦嗚嗚泣低垂欲語猶吞聲惻然停車  
一相問道是夫壻長西征西征三年不見

歸陰山八月嚴霜飛玉關況是三千里去  
年今日寄寒衣今年欲寄貧無措五歲嬌  
兒不能顧引去沿門問富豪賣取銀錢辦  
衣布市人射利誰復憐疋布喝價登千錢  
裁昔落剪心已碎製就含情更着綿寄與  
隣人送夫壻今年未過愁明年何日將軍  
破胡虜一朝下命征夫旋

徐云感慨顧云  
婉轉悲壯深切

昔事公車行之  
後復得此吟諷

中秋保定途中宿明月店

中秋好明月，明月店中看。  
影入蘭叢細，光含桂樹團。  
銀河清欲瀉，玉露下初寒。  
砧杵千門迥，關山萬里漫。  
有懷須自遣，無侶不成懽。  
那似深閨婦，懷人獨倚闌。

秋夜潞河舟中畱別顧長治

信宿天涯合論文，慰所思憐予偏去速。  
念子故行遲，南浦啼鴻鴈。  
西風折柳枝，那堪

沙上月偏照，別離豈

顧云情雅意新起  
結更圓且無粉色

懷顧長治有金陵上元之約

昨夜潞河邊，與子話離別。  
徘徊立汀沙，秋月皎如雪。  
遺我白玉鉤，相看寸心結。  
明發子亦回，河水寒嗚咽。  
西風片帆開，轉望增悲切。  
採芳何所之，芙蓉未堪折。  
展子別我詩，蘭蕙盈我櫛。  
猶記遙相期，金陵共佳節。

徐云婉曲顧云大曆風韻

天津舟次待月

輓舟出瀛海一水渺何長默坐黃昏後海  
月生微光須臾上東山隱隱照壺觴酌酒  
邀明月縱飲良不妨所思在千里此夜不  
能忘涼風吹襟帶玉露還霑裳何處有仙  
女吹簫學鳳凰家家搗衣聲雙杵懸青蒼  
清宵不堪聽游子悲故鄉

同廬陵黃侍御夜過寶應湖

蕭蕭木落客心驚淮海逢君並棹行夜半  
詩懷吞水國燈前尊酒過山城月明風定  
雙帆正露下天高一鴈鳴湖水向來秋後  
碧霜威過處倍澄清

吳云字字工顧云起  
便得趣長於律者

舟中別秦和陳賓原因寄朱鎮山

多才羨汝豈凡流遠道知非汗漫遊千里  
扁舟同水國幾宵清話在滄洲江天書寄  
霜前鴈沙浦情牽海上鷗別後思君應不

淺月明吟望豫章樓

顧云似李嘉祐

### 烏江廟

入關事已定。豈在割鴻溝。霸業一朝盡。烏

江萬古流。

顧云首句盡羽平生悲歌之切正不在多

### 送王倉曹遷九江太守

所惜王維別。臨岐獨愴神。風流著江左。儒雅自河汾。早射承明策。方為列郡臣。高才非寡遇。壯志肯沉淪。剖竹匡廬下。吟詩楚

水濱。清朝貴文教。守牧用詞人。叔度歌來

暮。甘棠詠作新。六條看賦政。五馬快行春。

回首還依闕。勞心且愛民。文星逼南斗。靈

雨足東旻。終擬歸黃閣。休言戀白蘋。從教

雪山重五老。並嶙峋。

顧云典實頓挫

德州陳氏守節。幼姑張氏同居相得。

遂誓不字。同節而終。楊侍御為雙

節。卷表之。因有此作。

百年如夢誰無死。雙節齊名世所難。阿嫂  
矢心羞石轉。小姑偏意向冰寒。憑將直筆  
昭潛德。合有綸書照寸丹。墓草萋萋明月  
夜。兩魂何處鶴聲殘。顧云結得悲楚

別離作

一別章江門。離心逐江折。江水能逆流。猶  
堪寄離別。吳云來自樂府。顧云岑嘉州有憑將兩行淚。寄向故園流。此調頗同。如大中間李校書碧波如會意。却與向西流句非不佳。翻嫌着意。

和尚港登大悲閣

慈母磯頭泊。聊爲汗漫遊。江聲虛閣入。嵐  
影遠天浮。萬水爭奔海。三山自枕流。蒹葭  
蒼色渺。白露正橫秋。顧云淡蕩清灑

渡黃河

家住清江頭。慣飲清江水。一朝渡黃河。緝  
泥汚唇齒。徐云古調。顧云語雖淺而味頗深

東平道中九日懷留都

遠道偏驚物候催授衣昔節未能回風林  
脫葉蕭蕭下關塞征鴻故故哀短髮漸多  
羞落帽旅懷聊得付嚙杯遙憐往歲登臨  
處翠竹黃花匝鳳臺

闕里

平生服聖訓學道嗟望洋竊祿赴鄒魯懷  
慚入其鄉晨興趨闕里對越心皇皇清廟  
翼森列遺容肅輝光泗流千古潤壇杏萬

年香檜栢鬱葱翠陰陰護宮牆栽培造化  
理所識聖澤長手植符天運昌期發楨祥  
金絲存舊壁詩禮儼巍堂異代不親炙徘  
徊生感傷春風薦蘋藻百拜酌一觴入室  
固所願私淑真不忘

顧云得端  
嚴氣象

妾薄命

古來妾薄命莫以青春好寵極妬方深恩  
情那到老昨日含笑花今朝斷腸草翻恨

西風遲凋零不如早

顧云似悲似訴深於樂府者

### 雨中後園葵

芳姿自可憐誰將移後圃遊人到此稀  
默嬌含雨秋風莫相催但願日長午日光  
無私照應知赤心苦

顧云意佳

灑上同丁南溪伊山泉邵甘澤飲蘇

### 舜澤園亭留別

天涯共行役尋樂此班荆笑飲花前酒還

敲竹下枰相逢各適意易別難為情明夜

雲霄月娟娟兩處明

顧云佳在不着意

### 新鴈

八月秋風涼北鴈爭南翔天空任所往偏  
不過衡陽高飛亦知止世路阻且長人生  
不滿百頭白未還鄉

顧云寓意不淺

### 春夜乘月登泰山

春宵登岱嶽月露倍清神上下籃輿穩崎

竹坡齋

嶮石磴頻笙歌落雲漢燈火雜星辰湯說  
飛昇妄今疑天上身

顧云五  
六超邁

### 泰山絕頂

帝遣自何年青霄吐碧蓮巖觀半夜日門  
入九重天漢禪壇猶在秦封樹獨傳浮雲  
從去住今古任推遷

顧云奇句驚聽  
真佛撰之作

### 宿靈巖寺

三月登臨到上方烟霞行處着衣裳千峯

雪後回新霽百卉風前送晚香無伴相求  
春已暮有懷獨宿夜偏長何堪客裡還多  
病物候驚心非故鄉

顧云興思本  
幽結更悽然

臨清買婢惜其美贈而還之

蒼頭供賤役美姿非所宜嗟爾麗容色胡  
寧忍爲茲低垂對予泣道是年阻饑家貧  
不能有無柰鬻身卑千里遠從邁誰無鄉  
土思我心實隱惻見此頻雙眉紅顏多薄



命此理良不疑寧使歸父母捐貲薄相遺

徐云奇事足傳顧云從實境寫出眼前事自是平妥此人所未及

### 京師送萬丞之釜陽

拜官辭鳳闕驅馬出燕臺路入太行微雲

連滄海隈濟嘗須一命況汝亦多才莫惜

音書遠秋風有鴈回顧云馳驟高岑之間

### 與諸同年送馮少洲分韻得交字

射策承明日相逢羨拔茅吳門同作客夜

雨細論交謝眺能攻賦揚雄善解嘲鳳城

重送別悵望立晴郊

### 金臺同馮少洲吳霽寰席間懷徐少

初分得清字

毘陵風雨曾驚別燕市相逢說舊盟千里

美人長入夢十年岐路不勝情花深上苑

鶯聲合月滿南洲桂樹清尊酒徘徊過夜

半獨憐孺子卧山城徐云一唱三嘆顧云俊逸之思

逢舊友包大中

昔年南國嘆離羣，幾上高樓總爲君。  
燕市論文重對酒，驚心還憶舊江雲。

送朱學憲赴閩中

君才總角駕王楊，廿載遲廻粉署郎。  
聖主右文專簡命，大方興學借賢良。  
魚龍夜雨驚閩海，桃李春風映紫陽。  
遙想武夷山色好，棹歌何日和滄浪。

顧云有興致

入武夷遲朱學憲不及

燕臺分手日，擬向此同遊。  
宦轍真如願，春山似可求。  
抱琴溪水遠，伐木鳥聲幽。  
玉女峯頭月，分明爲汝留。

顧云似杜審言

宿茶洋驛清風亭

息駕卽無事，何心更問程。  
清風亭上坐，對

月聽泉聲。

顧云灑然

西峽江阻風

有客教公母渡河海雲容易作風波峽江  
雨送潮聲急不見漁翁解釣簑

初秋雨後登凌雲臺

新涼入闌闐孤興偶登臺山淨雨初歇海  
空雲正開飛蓬驚客鬢流火動秋懷轉眼  
看搖落慚無作賦才

顧云撫景舒懷自是安穩

哭徐波石先生死南中

平生任斯道肯愛此身輕不避生前難那

知死後名滇雲空結恨天意大無情惟有  
鄉溪水年年送哭聲

顧云麗江之變至今遺憾此作說得徐公

輕生意出可以招魂復起

清源洞簡王遵巖

窈窕尋真境躋攀萬丈梯眼中滄海小足  
底白雲低仙骨藏丹室靈泉漱碧谿寶林  
觀日出琪樹與天齊石立峯如削山迴路  
欲迷不聞鍾磬響無處覓招提

顧云境勝語奇

漳州道中作

路入臨漳郡。閩南此盡頭。天肯疑外國。風景異中州。海氣連雲濕。嵐霏向午收。青山長一色。綠樹不知秋。界限當夷夏。詩書自魯鄒。宦遊驚絕域。吟望動鄉愁。徐云風土宛然在目

顧云徐評是

慰舍弟文卿喪婦

孤館相思白晝眠。一封書到倍悽然。征鴻

每恨長分翼。鼓瑟那堪有斷絃。最是雙親垂白首。獨憐二子竝。鬢年真情至此誰能解。且看莊生至樂篇。徐云真情寫得出。顧云藹然情深。

雨夜

孤館殘鐙照獨眠。寒江落木正蕭然。西風還送終宵雨。并入江聲到枕邊。顧云旅夜悽然之感。似此最佳。

蘇潭集鈔卷上

三

蘇潭集鈔卷上

終



國家圖書館, NATIONAL CENTRAL LIBRARY, TAIPEI, R.O.C.

楓潭集鈔卷下

南昌萬 虞愷 著

臨川徐 良傳 評編

孝豐吳 維嶽 評校

無錫顧 起綸 評選

壬子秋德州道中作

行役逢秋盡江湖萬里心  
遠帆高出墅殘日下平林  
宦跡同飄梗鄉愁起暮砧  
回瞻

天北極宮闕五雲深

顧云三四絕肖王孟妙在高下二字孟有

檣出江中樹王有落日滿秋山唐人又有長江一帆遠物日照高林句句同工

九日登泰山同熊筆山顧長治二首

故遶齊東駕還來岱嶽陰登臨千里興仰  
止百年心漢篆烟霞舊秦松風雨深高秋  
逢九日蕭爽滌塵襟

遠客天涯歸思催重陽還共此登臺紫萸  
酒向雲間酌黃菊花如天上開萬壑風聲

驚落帽千峯秋影入傳杯平生勝事君須

記岱嶽登高信幾廻

顧云公九日挈余登嶽一昔紀興甚豪有

此嘉句其事足傳

雲龍山

昔人曾此迓春暉我向高秋一振衣江北  
江南情不極水光山色正熹微

顧云唐絕

宿包城寺

幾宿包城寺山僧卽舊知行來人靜處坐

待月明。昔杯茗供清話。篝燈對遠思。因慚

為俗吏。何日是閒期。吳云似摩詰。顧云三四真似。行到水窮處

坐看雲起。昔

### 黛凝寺廢址

谿轉山迴。石逕斜白雲深處。舊僧家荒臺

斷碣無人問。流水年年送落花。顧云從野

自然

### 望夫石 夢中續題

夢中續題

望君君不至。空有白頭吟。憑將一片石。聊

寄百年心。顧云有古意

### 雨後山行

雨後山色佳。溪流急清響。嵐靄一洗除。晚

行快蕭爽。肩輿歷芳澗。草木及昔長。光景

足留連。悠然動遐想。顧云寄典悠然

### 浦城清風亭

誰將池上小亭開。信有清風入坐來。萍弄



晴光搖佩劍竹含新翠照行杯凭闌徒抱  
憂時志按節慚非濟世才舉目可憐今古  
事年年春草越王臺

顧云似劉

### 午憇龜山寺

偶來僧寺憇禮佛欲歸依花落日亭午水  
流山翠微暫時忘俗念何處了塵機燕子  
如相識翩翩繞席飛

顧云三四詞新思巧清響奪聽

### 黃崎對月

海邊今夜宿潮落月初生到處看明月何

如海上清

顧云作

水口送范方伯之雲南肯予亦將赴

### 貴州

十年湖海定心期握手閩中復幾嘗我亦  
叅藩分貴竹君還持轄向滇池驛亭路隘  
聞猿近官舍山高見月遲此別同為萬里  
客遙知白髮動相思

顧云五六宛似幸貴竹風景可以想見

同諸公遊武夷

山入武夷多峯巒錯。飛。偃。我來探幽勝。曠  
覽亦何遠。幔亭跡已荒。玄鶴不復返。林谷  
留餘馨。清風灑蘭畹。盈盈玉女粧。雲鬢霞  
爲幘。一鏡開青天。萬古照芳婉。溪流淺且  
漣。舟小易牽挽。載酒臨高臺。烹鮮具餐飯。  
良朋不偶得。嘉會成繾綣。棹歌迴滄浪。碧  
樹已含晚。徐云清瑩真古選也顧云地勝思深悄然得於實境

貴溪聞歌有感

黃鶯新調是誰翻。相國池亭春晝閒。今日  
鷗園非舊主。空留曲譜在人間。顧云古  
今增慨

送陳太守擢廣西憲副之任

問俗閭閻五馬嘶。使君高誼古人齊。甘棠  
春日留江畔。節鉞秋風過嶺西。芳草獨憐  
南國遠。遷鶯還憶上林啼。從今誰下陳蕃  
榻。孺子門前路欲迷。顧云  
中唐

分宜卽事

曉氣清和宿雨收。經過勝地卽相留。深深竹巷閒啼鳥。曲曲萍溪放小舟。春水碧分雲外浦。鈴山青對驛邊樓。憑誰喚酒將孤興。暫破天涯萬里愁。

顧云畫出鈴山風景非作者不能

宣風館次陽明先生韻

曉霽溪邊過雨痕。急流觸岸水初渾。幾家雞犬鳴深樹。四面雲山隔遠村。碧草蒼苔

迷逕路。落花啼鳥自朝昏。無端偏動行人

思。回首江關欲斷魂。

顧云三四極工

渡湘江

曾觀賈傅傳。更誦屈平吟。長恨楚天遠。孤忠湘水深。

午日臨沅城樓同鄭葵山方伯曾雙

溪龍南岡二僉憲觀龍舟作

午日沅湘雨乍收。滿江新水抱城流。相逢

盡是天涯客，作伴還登江上樓。  
蒲酒細斟傳琥珀，錦幟爭奪戲龍舟。  
他鄉故國同佳節，白髮應知念遠遊。

沅州登高明樓赴高兵憲之約

危樓突起芷江邊，畫棟層軒接九天。  
三楚山川歸王氣，五谿林野靜蠻烟。  
白雲故傍情多客，黃鶴遙憐羽化仙。  
此日登臨共清嘯，縱非吾土亦畱連。

顧云  
中唐

黔州道中

大涯回首路多蹊，見說衡陽鴈亦迷。  
誰有秋風無遠近，飄飄吹向夜郎西。

顧云秋風  
遠道自難

平越道中

一官萬里豈謀身，嘆息艱難行路頻。  
絕壑巉崖雙涕淚，短琴長劔幾風塵。  
殊方自覺音書少，逆旅相看僮僕親。  
光景催人生意白。

髮楚雲江樹總傷神

顧云似杜

秋日同高方伯謝學憲遊魚磯灣飲

武侯祠

郭外清秋晚稻肥公餘乘興過漁磯花間  
送酒傳香氣竹裏行厨擁翠微傾蓋祈逢  
高季輔論文況是謝玄暉人生到處須行  
樂莫向天涯嘆未歸

再用前韻

鱸魚堪釣楚江肥遙憶蒼苔剥舊磯客興  
逢秋惟酌酃山光過眼轉熹微漢家功業  
通蠻徼蜀相祠堂對夕暉安得問農常稅  
駕不妨溪上戴星歸

顧云二作俱擬杜

中秋夕漁磯泛舟同高謝席間賦

殊方尋樂地佳節正中秋竹嶼開青幔花  
潭弄綵舟谷虛天籟發月滿桂香流渺渺  
伊人望蒹葭露未收

顧云五六通初唐

九日登高明樓懷南山

極目重吟望江樓第幾層授衣驚節改于  
役嘆晨興白芷風初肅黃花露欲凝傷心  
舊昔侶今日不同登

顧云亦似舊  
州結更感慨

新興公館聞鴈

秋盡東行不記程蕭條孤館若爲情燈前  
忽憶人千里窗外初聞鴈數聲

顧云有  
思致

岳陽樓

樓倚洞庭隈乾坤一壯哉敵吞巴水盡雄  
壓楚山開飛鳥雲間沒歸帆天上來杖藜  
誰嘆世蓬鬢獨登臺空有仲宣興慚非宋  
玉才風流悲往事江漢自縈回

黃鶴樓

漢陽芳樹對晴川黃鶴樓前正可憐仙迹  
不隨流水去旅情真爲白雲牽清秋笛送  
三更月落日人歸萬里船回首登臨成故

事風流能許幾人傳

顧云二作與樓爭勝

### 瑞昌訪同年陳桃原

霜前赤葉染楓林  
秋盡黃花瘦不禁  
持節漫誇新奉使  
抱琴還訪舊知音  
金陵共對秦淮月  
江縣重論湖海心  
二十四年同榜客  
眼中蹤跡幾升沉

顧云聯佳

### 赴貴藩至長沙宿荷塘公館

稅駕荷塘日已斜  
征夫問酒向山家  
寒烟

近市迷殘草  
古樹臨軒落暮鴉  
自信葵心傾晝景  
還將蓬鬢寄天涯  
三苗歲晚仍幽

獨極目江門萬里賒

顧云三四句草

### 奉和撫臺歲燕

白雪傳高詠  
清風灑碧虛  
歲華更律候  
山意放梅初  
樽俎恩威浹  
蠻夷氛祲除  
獨於吟望處  
故國念平居

### 宮詞

東風又早到長春坐見宮花歲歲新聞憶  
外邊芳草綠一般春色暗愁人

閨情

柳條新綠上窻紗又見東風換歲華怕是  
天涯無柳色年年遊子不思家

顧云二作  
俱得怨曠

之體

江門驛

伏節西征及暮春烟花零落過江門林猿

暗下胡商淚山鳥愁呼蜀帝魂向晚鐘聲  
何處寺隔溪茅屋幾家村宦情已覺天涯  
遠孤館殘燈誰共論

顧云全篇清麗  
深得中唐意興

雪山關

天關飛鳥絕行役獨傷神寒谷四皆雪孤  
臣萬里身獼猿不避客虎豹亂窺人蜀道  
從來險回看淚滿巾

顧云語險意峻五六  
似杜鶴鶴隨飛蓋許

狼得食啞  
此覺更便

竹坡齋



青羊宮

野色小橋外仙源別有津錦江明似練玉  
殿淨無塵苔合青羊洞鶯啼翠栢春來遊  
興不盡爲與草堂隣

顧云亦似杜

移花

生來愛幽寂偏與秋花宜燁燁兩叢菊鮮  
鮮丹桂枝春風競妍媚甘讓桃李姿馨馥  
挹清露肅霜仍華滋爾惟秉貞操托根今  
在茲寄言來遊者欣賞諧心期

人日經桃源洞

隔歲衝寒別楚臺東風今日煖初回支離  
愧我還行役談咲何人共舉盃高柳淡烟  
含淑氣遠山微雨浥輕埃桃源見說春先  
到爲問桃花開未開

過常德陳兵憲栢林書屋二首

充國逢君二十年沅湘一咲鬢蒼然長驅

仕路知誰健早謝兵符羨汝賢琴鶴自隨  
桃洞外煙霞嘗送栢林前玉樓不獨藏書  
富御墨流輝映斗躔

蘭秀芸香四壁侵森森翠栢故成陰圖書  
枕畔供清晝花鳥林間喚道心晉代風流  
誰似爾武陵溪水古來今肯栽桃樹遮村  
塢便有漁郎向此尋顧云結語別  
定情興可愛  
登南嶽次范僉憲中方喜晴韻

湘浦行雲春不斷楚天作雨向多肯同君  
到此偏逢霽勝事從前若有期路引松風  
香細細巖觀海日夜遲遲烟霞忽動飛騰  
興欲傍朱陵問所知顧云三四  
似高常侍

于役編四首丁巳歲再  
往閩中作

邁邁遠從役出門捐所親豈不念骨肉愛  
此行路頻

世情多反覆肝膽向誰真按劍能忘舊結

交何用新

翩翩孤飛鳥遙遙入蒼旻適意在家廓全  
身得所珍

稱心事獨少鬱結靡所陳還思託皎月寄

向章江濱

顧云言少意多得古別雜體

三山用韻謝王龍溪論學二首

高歌伐木靄停雲幽谷聲傳動遠聞越海  
十年曾極目武夷今日再逢君籃輿葛屨

經苔徑蘿月松風到石門千里同心看白  
髮天涯塞袂若為分

大空澄澈本無雲俗學堪憐落見聞盡向  
虛中求色相却於何處覓天君心從無欲  
觀真竅道懼多言塞正門千古良知同一  
脉人人自有豈須分

顧云句句是道

次范中丞茶陽驛壁間韻

秋氣向蕭森孤懷不自禁江聲如有恨雲

態本無心傳食慚棠芟哀峯學杜吟匣琴  
誰合調千里憶高深

顧云宛入  
五言佳境

### 訪羅太史石蓮洞

設數神仙幾洞天烟霞此地自何年不緣  
玉殿辭金馬安得青山採碧蓮閣裡圖書  
千帙滿林間花木四皆妍巖居莫信逃名  
計清夜龍光北斗懸

顧云  
佳

### 宿濠梁驛用吏部舍弟壁間韻

淮南梅雨尚餘寒獨宿郵亭蠟炬殘千里  
有懷惟故舊幾年無夢到長安艱難匡濟  
知誰健老大驅馳祗自寬明發渡河多感  
慨不堪回首憶江干

顧云氣魄渾  
厚足知所養

### 初至東籬與吳學憲謝方伯二公夜

### 集七星軒各賦

蘭陵看劍知吳札貴竹論文識惠連南北  
締交真合臭後先惜別幾經年重來海岱

星初聚坐轉天河夜未眠莫向清秋悲白  
髮一樽湏盡草亭前

顧云  
典雅

吳學憲謝左轄過園亭夜坐各賦

客枉東臺駕園隣左轄居相畱移皓月命  
酌剪新蔬念別三秋後論交廿載餘平生  
知己在今夕復何如

顧云  
自然

述懷

俯仰發浩嘆吾生寡靜緣行藏靡寧迹世

務紛縈牽少爲錫邑宰諫署尋周旋楚閩  
復黔蜀齊晉還幽燕越歷虛白日積累二  
十年蹉跎毛髮變照鏡生悲憐松菊任荒  
落簿書從委填身心竟何益碌碌繁憂煎  
歲月不復返富貴空畱連行湏早結束歸

耕溪上田

顧云賦  
事得體

歷下贈雲林上人乃謝方伯宗姪

愛汝能逃俗峨嵋早托棲聞名從貴竹識

面在青齊花落諸天淨雲遊五嶽低他年

劍門外還擬問招提

顧云足稱禪藻

過獲鹿懷沈思畏

匹馬蕭蕭入晉陽經過獲鹿日昏黃邑人尚說當年宰撫字猶能記沈郎

栢井驛次壁間韻

宦業曾無補茲遊亦濫觴驅車千折坂傾蓋幾斜陽世事關心切江鄉引夢長空憐

容鬢改難學向平狂

宿太安驛次韓昌黎壽陽韻二首

萬里西征宿太安客懷清對一燈寒胡笳聲散邊城月夢繞淮南桂樹團

幾年烽火淨長安誰識嫋姚出塞寒太液池邊宮草綠玉門關外雪花團

顧云是唐絕

庚申除夕同楊方伯王大叅燕集各

贈一首

愧我還遊晉逢君却自秦追懽諧此夕同  
是未歸人所願顏如舊那看歲又新百齡  
渾似寄莫厭酒盃頻 右贈楊方伯

于藩同晉國連轡憶江東一別十年後重  
逢若夢中燈殘將臘去律轉待春融且盡  
椒觴醉相看鬢兩蓬 右贈王大參

送劉經歷致仕歸綿州

夙抱傳經志寧知薄宦遲百年身自愛五

斗粟堪辭病豈文園渴情多故國思春風

吹隴蜀不負詠歸肯

顧云平平寫出盡得  
劉去意盛唐調也

訓鴻山華學士見寄巖居集二首

自別梁溪日懷君二十春碧山淹歲月金  
馬脫風塵詩解超三乘巖居見一人遙知  
多苦思華髮照簪新

玉殿承宣詔金蓮送直廬文章先附鳳風  
月早焚魚 聖主恩非薄崇儒席尚虛還

憐被褐意白壁自完初

顧云二作並傳如此富才麗思兼之

精裁密緻直造沈宋佳境矣

### 集東寺和楊方伯韻

乘春行佛寺撫景共啣盃逸興橫空界文  
光映上台梵傳霄漢外僧定水雲隈柳拂  
禪關近花依寶殿開僻非修靜社高擬遠  
公臺池碧凝春草階斑繡露苔法門狐避  
去清境鶴飛來落日青山好芳樽綠樹徊

鉢龍疑作兩庭鼓恍聞雷貝葉翻經亂金  
蓮擁座堆飯依徒髮鬢臨眺欲遲迴修楔  
招同侶題詩得上才神游千里曠日極萬  
峯嵬關塞鄉書斷風烟客鬢摧鶯花嗟易  
老戎馬況堪哀肯負生天地寧教並草萊  
誰能拂長劍一掃靖胡埃對酒休悲切談  
兵亦壯哉但令勲業在何論歲華催肯運  
雖難料天機敢自猜

顧云初思英藻深得排體



詠寺中牡丹和楊方伯韻

姚園魏圃幾春開，亭榭于今盡草萊。却怪山僧能好事，自憐禪院特移來。芳姿此日留空界，艷色當年動上台。莫道沉香消息遠，只今紅紫任人裁。

顧云和韻之作難於流動自然

郊行和楊方伯韻

問俗聊行廓外村，步隨流水到柴門。偶逢野老吞聲哭，幾處流亡幾處存。

顧云悽然憂民之詩

可誦可風

寄書和楊方伯韻

長風終日擁山嵐，悵望深春迥不堪。攬鏡無情悲白髮，投書何意戀華簪。詩成篇數寧須百，酒任盃行不計三。賴有天涯知己在，都忘形迹意相含。

顧云全篇清新三字和得脫俗足知作者

獨苦心耳

春興二首和楊方伯韻

晉陽倡和

風電長少六二

二

見說雲中事天驕欲弄兵腥羶通夾道烽  
火戒嚴城塞草方春綠胡塵何止清封侯  
懸爵賞誰解荅昇平顧云此作  
受深思遠  
草色纔鋪地苔痕欲繡階狂風如妬物徧  
地起陰霾花發仍初藥林搖損嫩荻春深  
還寂寞對酒動愁懷顧云亦  
是唐韻

送李叅戎赴召

文武才華早冠塲提兵開府下汾陽名傳

塞外兒童識令出雲中虜寇藏歸馬黃塵  
收虎翼挿貂清禁侍龍光封侯舊是君  
家事況復忠誠世澤長顧云  
雄壯

送同鄉萬道士歸玉臺

端居寂無賴百感雜憂喜緬想故園春青  
草徧芳沚胡爲久離別白日摧毛齒絕塞  
號悲風四顧黃塵起所親在天末渺渺空  
予企汝從洪都來跋涉幾千里慰我長相

思手持一雙鯉。乍見他鄉親。綢繆詎能已。  
燈前對尊酒。歷歷問隣比。風景應不殊。故  
舊誰生死。相逢暫相懽。相別又從此。送汝  
南城隅。含悽向汾水。顧云調高意古直從  
陶謝戶庭來其全篇  
賦事酷類陸士衡門有車馬客行  
所感既同爲文不異殆敵手也

郵亭對月和楊方伯韻

半落風塵已。半生邊庭未。夜若爲情美人  
遠隔西江水。何處鸞簫弄月明。顧云情  
思甚佳

星輶驛次答晉中諸僚

星輶此去下南都。自信丹心向日孤。莫訝  
江門何所事。請看風浪祇今無。

雨花臺懷舊遺清本上人

雨花臺殿近雲霄。勝槩人傳自六朝。客倦  
夕虛蓮社約。春深還赴遠公招。濃烟野色  
迷幽草。落日江聲轉暮潮。回首十年臨眺  
處。可憐風物半蕭條。

登盧龍山閱江樓址

大江東去幾千里故繞金陵作巨觀北固  
潮聲通海氣西梁日影亂風湍龍蟠自識  
雄圖在虎踞空憐霸業寒獨立清秋重極  
目五雲多處是長安



楓潭文鈔目錄

卷上

叅守備疏

江防疏

清查軍伍疏

科舉疏

圖邊用人疏

操江到任謝

恩疏

自陳疏

舉方面疏

總督南京糧儲謝

恩疏

卷下

刻李杜詩集序

榮節錄序

五溪丁氏重脩族譜序

刻舒梓溪先生文集序

木山傅氏族譜序

南昌龔氏族譜序

送督學高泉謝先生陞任雲南大叅  
序

送貴州巡撫須野張先生歸上海序  
天性說

明故封文林郎鎮江府推官南庄葉

翁同配封孺人何氏合葬墓誌銘

明威將軍岷州守備睢陽衛指揮僉

事脩菴湯君墓誌銘

楓潭文鈔卷上

南昌萬 虞愷 著

臨川徐 良傳 校選

無錫顧 起綸 鈔刻

奏疏 凡係糾劾及循例奏謝等疏不錄

叅守倫疏

爲申明 欽禁塞冗役以安根本重地  
事切照南京爲

祖宗根本重地各衛官軍之設正以藩衛  
根本非以供私役也故存恤有條私役  
有禁律例之載亦既詳矣其內外守備  
五府叅贊監局各衙門供役人員各有  
額數一名不得多占後因承平日久漸  
壞舊法府厰監局各衙門實緣添役騷  
害地方以致備累貧軍逃亡將半嘉靖  
十年該南京兵科給事中何祉奏乞查

### 革兵部覆題奉

皇上聖旨是准議行還着南京都察院出  
給榜文曉諭其各衙門務要着實舉行  
以除宿弊有違的科道官指名奏來處  
治不饒欽此欽遵該南京兵部尚書王  
廷相遵將各衙門原額應役人數照舊  
存留外其餘濫役備行查革故一時軍  
伍稍得息肩地方亦免騷害人人稱快



皆荷

皇上重本存恤之恩也近該南京守備司禮監太監丘得題稱本衙門公用人役近年一槩革去公廨一空更無一人供役乞要加添軍丁九十名前來供役等因奉

聖旨准他該衙門知道欽此欽遵該南京兵部職方清吏司備行到臣遵奉約期

會選前項軍丁間查得守備衙門官校直廳寫本書辦軍伴等項俱係官軍守備一員見有五十餘名各在供役不缺丘得前奏已屬欺隱又據南京龍江右衛指揮等官余太等呈稱各衛所軍人差繁人少逃亡過半軍伍日虛間有餘丁俱各見有運糧操備當匠脩倉夜巡軍斗及領黃快船隻各項雜差每衛

多者七八千名少者不下三四千名正軍不足俱以餘丁湊補並無一丁閑空乞要分豁等情看得各衛軍人已甚繁苦一聞丘得所奏莫不駭然驚惶必欲選取以足前數則擾害牽連弊無紀極且着役者一丁貼役者五六丁科擾之害偏及衛所貼役之費恣歸私囊假公營私挾資騙局有力者得以倚勢爲姦

貧困者不至於激竄逃亡之盡不已也况近年查革之例非止守備衙門五府外守備叅贊監局各衙門皆事同一體今使丘得之奏一行則各衙門皆將比例奏擾無已此又勢所必至者也縱使軍伍充實尚且不堪况當逃亡窮困之秋而復倡此額外加役之擾此弊源之不可以不塞者也臣伏觀

皇上前旨許科道官指名奏來切見丘得實屬欺隱臣係言官不敢緘默爲此冒死陳乞乾斷將丘得重加懲治以爲欺隱生事之戒仍勅兵部行南京兵部照前欽定查革事例一名不許多占則有以安軍士之心奠根本之地而地方未受無事之福矣臣不勝戰慄之至

### 江防疏

爲陳愚見重保江以固

祖宗根本重地事仰惟我

太祖肇基南京

成宗定鼎京師南北並峙一統之盛古無及矣南京爲根本之地設官列職皆仍其舊而所恃爲金湯之固者則在江防故提督操江之任旣以勲貴大臣領之又以總憲文臣都御史兼之其慎重立

法之意可知矣蓋江防之守責在軍衛而盜賊之起雜出民間武職大臣便於專臨軍職而都御史得以兼轄有司振肅威令其任尤重也近因承平日久江防漸踈若不及時嚴加申飭待有事議之亦既晚矣此臣等以爲操江之重不得不急也所以重之者有四曰正體統兼節制專信地謹墩臺肆者備江防之

政舉矣何謂正體統舊規水軍操練南京內外守備叅贊等官每季臨江閱視與提督操江文武大臣序坐行事先儘守備叅贊坐訖其操江大臣如武臣係侯伯則侯伯坐左都御史坐右武臣係都督則都御史坐左都督坐右行之已又至嘉靖十八年五月閱操因提督操江都御史簡霄有病未來誠意伯劉瑜

八旗通志卷之六  
六  
與守備魏國公徐鵬舉爭論坐次輒致  
罷操該守備等官徐鵬舉等論瑜忿爭  
紊亂舊規具

奏該兵部尚書張瓚題覆內開查得京營  
提督大臣下操各營坐營官亦多侯伯  
並無同坐之規况兩京對待事體相同  
等因奉

聖旨是劉瑜不聽提督官節制敢肆忿爭  
輒廢操練好主驕恣本當重治并簡霄  
都從輕着閉住坐次照京營事體不許  
僭紊欽此備行操江衙門欽遵施行緣  
提督操江侯伯都御史俱係大臣領

勅專任提督正與京營提督文武大臣事  
體相當在京坐營乃提督屬官耳固未  
聞有都御史坐營者亦未聞坐營官有  
專勅也南京守備操江均之爲提督

即如提督團營有太監侯伯尚書等官  
共事而皆不相統屬况南京守備職司  
機務其於操江不過臨時閱視雖係提  
督猶非專職今乃以提督操江大臣比  
之坐營等官瓚所議擬盖未審詳故欠  
明白且操江欽奉

勅書內開事體有應與內外守備叅贊官  
計議者仍會議停當而行既曰會議則  
是體統相同非其屬官明矣誠如瓚議  
則爲屬官是以提督而屬之提督不惟  
於領

勅都御史體統有碍而在領

勅侯伯亦所不安遂致近來每遇閱操都  
御史則先期出巡迴避其守備叅贊係  
操江武臣等官亦各勉強了事情意俱  
不相屬是皆瓚之不審致然也夫江防

事體重大臨操閱視一應機務正守備  
叅贊操江所當同心講畫之時序坐舊  
規似不可廢若得查議照舊使之各全  
其尊則名正言順而事成矣所謂正體  
統者此也何謂兼節制南京京衛俱屬  
南京兵部而沿江一帶軍衛則屬操江  
提督所以重江防也照得新江口浦子  
口二營俱在江上南北截流相望此誠

犄角之勢江防之要害矣然新江口近  
在城外則屬操江而浦子口遠在江北  
反屬兵部操江節制但行於新江口營  
而不行於浦子口營形勢相依事權不  
屬萬一江上有事則新江口有孤立無  
援之勢而浦子口得坐觀推避之安設  
險制勝之道顧如此耶且浦子口有應  
天等衛并作一營名雖京衛實在江北

兵部點操歲不過一二習成怠廢驕惰日深將爲無用之兵若得并隸操江聽其節制則不時巡歷操練所不敢廢或遇有事調遣亦不敢違况與新江口相爲應援共守江防正以共守京城也此誠歸一事體可收實用查得先任操江都御史簡霄曾經

奏行南京兵部等衙門覆議不知因何停

寢臣等竊謂當查簡霄所奏着實議行令浦子口額屬京衛則仍其舊而節制調遣悉屬操江或量撥操船該營分領則南北相望臂指相依令行勢重而兵強矣所謂兼節制者此也何謂專信地照得江防上至九江下至淮揚蘇松相沿數千里皆其信地欲使一一寧謐非巡歷之勤節鎮之專不可得也如大江



形勢上則安慶下則鎮江尤爲要害二處較之則下江尤急蓋鎮江以下卽爲海洋常州之靖江江陰蘇州之崇明太倉松江之上海揚州之通泰咸濱焉窮沙僻島鹽徒負險窺伺竊發無歲無之使不備之有素鮮不倡亂如近年秦璠王良之徒是已使當先有重臣不時出巡專鎮其地預爲隄防何至有興兵動

衆之費如此哉臣等以爲操江都御史當於鎮江久住安慶次之再昭鎮江見有總兵官湯慶住劄慶以武臣居臨軍衛有司之間事體已多不便近該御史舒汀劾其職濫奉有

明旨革去都督仍留管事臣等以爲慶貪勇人也用之於有事責其成一時之功則可置之於無事望其消未然之害則

不可既削其職而不奪其權使之鬱鬱  
怨望於大江之濱恐非所宜且慶自不  
安其位尚何望其有爲莫如革去或留  
別用其鎮江等府一以操江鎮之而又  
提督巡江兵備等官協心整飭亦既足  
矣如此不惟軍民樂有所統而供費亦  
有所紓官不必添而軍政自舉所謂專  
信地者此也何謂謹墩臺照得江洋上

下九江至蘇州地勢延袤江汊逶迤盜  
賊之出沒無常勦捕之應援莫及故十  
里設煙墩一坐每墩設軍快數人備之  
萑葦立之旗號據其高阜常川瞭望有  
事則量其事勢以爲傳報行旅有賴疆  
圉無虞此固斥堠之制爲江防之耳目  
也近因無事日久廢弛不脩臺址僅存  
無軍看守雖有巡邏官軍然隨船在江

木溪文集卷一  
十一  
前後相遠即有緩急耳目無見彼此如  
不相關此豈連屬不可犯之勢哉皆由  
沿江各地方所管官司不一又無專官  
查理是以遠近軍衛有司恬不爲意而  
江防良法將盡廢矣此誠不可因其無  
事而遂忽者蓋墩臺一脩軍有常守遇  
有倣急大則舉火燒煙飛報接境使知  
預備以爲疆圉之固小則鳴金吹號倣

勵一方使相防救以爲商旅之便是江  
防大小所深賴者莫此爲要然非屬重  
臣總之鮮不視爲細務臣等以爲必得  
操江都御史加意查督整飭嚴令各該  
地方衙門時加脩葺季報操江驗其脩  
廢以行勸懲期在必舉則事體歸一而  
人知所重江防備禦之計煥然一新而  
姦宄窺伺之心自然默奪矣所謂謹墩

臺者此也以上四事皆臣待罪南科咨  
訪衆見頗切江防者芹曝之効不容自  
已謹拓拾上干

天聽如蒙

采納乞

勅兵部再加議擬上

請備行南京守備操江等衙門遵守施行  
亦長久安治之一助也

清查軍伍疏

爲欽奉

聖諭事臣等各准奉本衙門關劄該南京  
兵部准兵部咨武選清吏司案呈奉本  
部送該本部題前事內一款一團營原  
額官軍并去歲新收軍人雖經清查選  
補中間老弱役占及棍徒遊食投充者  
尚多不無虛冒糧賞合無將新舊軍士

通行查閱或老弱不堪或將官役占及棍徒遊食等項投充無益實用者一體查革役占者退出着伍等因奉

欽依備咨南京兵部都察院等衙門脩行臣等欽遵會行各衛各營將操練并各項差占旗軍舍余人等姓名年貌造冊前來及吊取南京戶部食糧文冊逐一查對去後隨准南京兵部職方清吏司

手本開稱南京錦衣等五十二衛所大小教場浦子口新江口神機營原額軍士八萬有餘近來逃亡故絕數多實在軍人不滿四萬名各營操練軍士止得二萬五千餘名軍伍甚爲空虛等因到臣等竊惟

國家養兵所以壯衛京師以脩緩急之用軍士冒濫則耗費糧賞無益於事我

皇上明並日月洞燭幽隱首

勅南京差官清查減革此誠除冗節財

神武赫然千載一時也臣等敢不仰體  
聖心痛加釐正然時有機宜弊有微漸不  
敢不爲 陛下陳之南京乃

祖宗根本重地近來軍士逃亡故絕過多  
見在者不及原額之半中間又多老弱  
似宜設法補充其投充人役原數若使

一槩查革則軍伍日益空虛非所以爲  
思患豫防之道也臣等竊擬欲將各衛  
軍士備查弘治以來投充數內委果老  
弱不堪者盡行革去其精壯者仍留操  
備以實軍伍再照南京設立內外守備  
監局及承襲公侯勳戚等官其跟用軍  
半伴當等軍雖有

欽定條例等級名數然法久人玩中間亦

有倚勢多占役使衛所官吏畏威承奉  
名爲幫貼更番實肆漁侵剝削若不曲  
爲限制則軍人日受其患害亦非所以  
防微杜漸之意也臣等查得嘉靖二年  
兵部題爲脩武備以圖治安事奉

欽依將衛營軍士逐一揀選老弱不堪者  
即將戶內壯丁替補其精壯空閑者悉  
送營操練如有權豪勢要大小頭目人

等私役賣放隱占者一一令其退出着  
伍又查嘉靖十年該南京兵部尚書王  
廷相等題爲革占役以實軍伍事將內  
外守備監局等衙門役占軍人遵照見  
行事例逐一查革等因奉

聖旨准議行欽此欽遵今清查之際正法  
令機會之始伏願

皇上俯念南京軍務重大乞

勅該部查議申明舊例容臣等將南京各衛營軍士除先年投充棍徒遊食之輩查革外其老弱不堪相應查革者通行南京兵部即將本軍戶內壯丁照名替補其戶無壯丁者即行原籍勾取暫將本軍退換別差應役或通將該戶內精壯餘丁暫役候補若別項差役軍人其中年力精壯者盡行揀選送操不許貪

緣脫閑賣放其內外守備監局等衙門跟用軍牢伴當等項聽臣等逐一查究俱照見行條例及近日題

准事例照額存留其有多餘者革退送營操練仍將存留過軍人姓名數目造冊送部該科收照凡遇事故名缺每季終南京兵部委屬官一員會同科道照名僉補不許各衙門擅作威福徑自牌行



衛所加添多役各衛官員亦不許畏勢承奉私自多送故立幫貼月錢更番使用名色如違該部及科道指實叅

奏如此則減革之中有選擇之意清查之後有禁止之方軍伍可望充實法令愈益嚴明矣

### 科舉疏

爲慎科舉以端士習事夫人才之進莫

重於科舉士習之端必由於始進我國家定制設科三年一舉網羅豪俊錄伊傳之才必由此進治安之本實在於此故兩京十三省鄉試禮部會試法制甚嚴條約甚密無容議矣然法行既久玩弊日生近年舉貢頗多物議恐將來之弊日滋人才士習愈壞今當科舉之年臣等謹以弊端關係之大者列爲五事

乞

勅該部詳議上請

聖裁備行各該衙門查照施行則人才幸甚臣等無任干冒殞越之至緣係慎科舉以端士習事理爲此具本專差辦事吏賫捧謹具奏

聞

計開

一各省鄉試監臨之權總於巡按御史品第去取多所取決事權既非兩京之比其考試官止於聘取教職外簾又多進士出身故閱卷去取輒多外簾侵越監臨御史亦或不覺偏聽遂致權歸外簾各舉所知私恩是樹糊名易書之意微矣士子因而日事奔競出入有司之門預結師生之好投書獻技百計求知

功名未階心術先壞此其所當首正者也臣等以爲試官當使得職外簾不宜偏任要在御史力持至公非內外相合者不得預取庶幾樹私恩者無所庸其力而攻奔競者不得幸其成去取既公而士習自正矣

一各省試卷皆由布政司用印完散各生自領入試臣等聞之中間有等狡猾

者陰投二卷混印領回仍廣買試院積年人役及自令慣熟家人頂充軍隸名色裏外布置試題一出即能潛爲傳遞父兄審結二三文士分題速成以所餘印卷寫就真草潛復遞入此其巧力可以通神而使人莫之察者也事雖未必盡然防亦不可不慎臣等以爲印卷之時首當稽察或嚴立號簿照案鈐掛以

木子乃金老一  
三  
祛重復又或印完不發照案封收候名  
入院之時官爲一一給散至於搜檢封  
鎖務在嚴謹不得輕委則換卷傳遞之  
弊似可革矣

一士子交卷收卷官徃徃類集成堆或  
至二三百卷始發彌封遂使外簾官得  
以恣尋相知陰爲記號謄錄編送皆得  
庸心或爲多取紕繆之文編作一號以

眩內簾之必取或爲摘記二三好語先  
爲揚譽以取外簾之必信是私相薦引  
之弊得行者皆由於彌封之不密也前  
科御史李遂之在江西正坐此弊臣等  
以爲受卷彌封二項人員當分立堂下  
士子交卷不論多寡御史責令即時當  
面彌封不許停積或臨特別令巡綽武  
官以供彌封之役前科御史舒汀在浙

嘗用此法至今人服其公此彌封之公  
嚴亦可以革外簾行私之弊也

一各省揭曉之日例該鹿鳴宴極其豐  
腆以隆賓興又有會試盤纏及牌坊銀  
兩可謂待士之厚矣近年則有重設私  
宴其費不貲中試諸生亦爲還席遂致  
情款一通妄念輒作因而請求罔利要  
譽市恩者有矣是士方出身即趨利路

良由上之人教之不以正也况今日處  
處民窮財盡亦不堪此額外之供臣等  
以爲歌鹿鳴之後燕不當復設舉人事  
畢亦不許輒入衙門則士氣可養民財  
可省而官府亦無多事矣

一在京鄉試主考及會試考官皆由翰  
林差用而外簾各官無關卷之責事權  
可謂歸一矣但鄉試於資秩之深者推

取而會試則又以會否差過相爲輪用夫翰林官既有數而考試亦有常期惟其拘泥輪差故人得預擬而富豪鑽刺之徒往往無忌縱所差得人不得爲所汗然一有此輩窺伺亦不能不爲清議之累矣臣等以爲當破輪差常格凡愚題請試官之期先將翰林官不論會否考試盡數具列科部官則比常多取數員疏

各上

請俱候

聖裁或前或後照數點差則其機莫測人不得以預擬而行私物議亦無因而起矣先該給事中胡叔廉建白亦曾及此但查該部題覆未見明開臣等是亦不能已於煩瀆也

圖邊用人疏

爲獻愚忠以裨政治事臣等竊惟今日  
國家政務之大且急者圖邊用人二者是  
也自有虜患以來

陛下注意邊陲不忘宵旰有失事欺罔之  
臣節蒙拿問治罪不宥凡茲文武臣工  
所宜震疊思奮以承 德意夫何前事  
方戒而覆轍相仍撫鎮諸臣節蒙拿問  
而欺罔失事相襲日甚屢產

聖慮臣等嘗切私憂揆厥所由竊有所見  
不敢不爲

皇上言之夫各邊重臣雖曰文武相資而  
專責各有攸屬事權則巡撫總制爲重  
而實事則總兵將領爲難蓋其決死生  
於臨敵視之出調度於坐籌其難易勞  
逸較然不同功罪賞罰宜各有當故身  
親行陣果敢爭先者將臣之事而怯懦

以致僨敗者其罪也撫綏輯思幾先得  
筭者撫臣總督之職而垂方以致携二  
者其罪也是以巡撫總督本皆文臣以  
憲職行事惟司監臨調度之寄不親臨  
陣殺敗之勞故雖遇成功亦其撫鎮地  
方一分內事耳不當與將臣同賞萬一  
失事則罪有所歸彼固得以覈實叅  
奏置人於法者柰何近日自貪功撫臣有

功既冒於同賞遂與失事將官有罪亦  
莫逃於同罰此回護欺罔之弊所由作  
而邊方事體之日見其壞也且不親行  
陣者得以同賞則用死命者無所勸職  
司監臨者輒以同罪則巧避難者有所  
辭此責任之不容於不明而大體之不  
容於不惜臣等以爲功罪核實當責撫  
臣賞罰施行宜先武將有功而賞不得



濫及有罪而罰惟坐所由如此則克敵之責有在武將必盡力於立功綜核之權有歸撫臣亦不敢於欺罔職任既有所分人心自爾歸一若有撫臣總督處置非宜及貪鄙欺隱一切罪狀並聽科道不時糾論取自

上裁從重究治至於一朝成敗小有失誤俱從優假使得展布以盡其才苟非大

故必不輕棄庶全器使之仁自無乏才之歎矣及照邊方巡撫總督本難其人每遇員缺吏部未嘗不榜羅才望推應簡用及用之而又往往弗能底績者固以賞罰連坐既利害之橫心亦以遷轉不常又覬覦之彌切遂使人無固志計無定籌雖才猷素贍者亦不免先懷苟且之私而無久遠之慮臣等以爲今後邊

方撫臣總督既出慎推必須久任即乞  
明降

勅旨每任以九年六年爲期雖有事故不  
得去任直需滿日通計任內前功不次  
加陞若軍民所宜仍留撫鎮不許改用  
違者聽科道叅論如此則委任責成之  
既專而效忠宣力者自奮體統正而  
朝廷尊將帥畏而士卒服禦戎之遠猷此

其機要矣臣等所謂圖邊當急者此也  
近年在位者舊淪謝旣多而卿貳之職  
缺乏非一觀之本兵之推再三庶簡猶  
難其人可知也夫何

朝廷求賢本切而臣下奉行未周近科道  
建白起用廢棄皆蒙

溫旨採納則

陛下垂意人才非一日矣天下士民無不

欣躍願望以爲遺才進用必有益於

國也及至吏部推行列名上請偶以一

二議擬非宜莫逃

聖鑒且罷不用此又仰見

皇上劑量器使灼有定見非臣下思慮所能及也然賢者遺逸尚多

聖心豈忍終棄所司因而一槩停寢則是并其賢者棄之豈

皇上前日聽言之初意哉

廟堂之使任乏人則後進之資遷大驟亦勢之所必至者况堅凝練達之才多出於困抑懲艾之久而使之卒老不用不亦重可惜乎伏乞仍勅吏部遵照前

旨備查各處遺逸人才節經撫按薦揚者

復行議擬上請次第起用務在嚴訪

精詳仰稱聖意則練達國體自其

有人而分職列官皆無曠乏庶績咸熙  
之治端在是矣此則臣等所謂用人當  
急者也是二事者一以圖邊使夷狄屈  
服於外以一用人使賢才暢遂於內皆  
於大體有關庶幾有助 聖治之萬一  
者也伏乞 聖明俯賜採納 勅下該  
部再議上 請則邊方幸甚天下幸甚  
操院到任謝 恩疏

爲恭謝

天恩事臣係江西南昌縣人由嘉靖十七  
年進士歷任山西布政使司左布政使  
嘉靖四十年六月初六日准吏部咨爲  
缺官事該本部等衙門會題奉

聖旨萬 陞南京都察院右僉都御史提  
督操江兼管巡江寫勅與他欽此欽遵  
備咨到臣謹望 闕叩頭謝 恩卽兼

程前進於本月二十七日赴南京都察院到任除候 勅諭至日欽遵行事外伏以 國家根本之地持綱特重於留臺山河帶礪之形設險莫先於江界矧佐憲既難其任又提兵貴得其人臣自惟庸謏之資敢冒崇嚴之選科第已逾二紀曾無小補於 明時官階叙歷十遷豈意遽叨乎要秩未効臣子匪躬之

節乃蒙

君父特簡之恩初聞 命而若驚實捫心而知愧敢不益加磨鈍圖禪風紀之司勉度機宜期底河清之績臣無任感戴天恩激切屏營之至

自陳疏

爲自陳不職乞 賜罷黜以答

天戒事臣於嘉靖四十年六月初六日准

吏部咨奉

聖旨萬  陞南京都察院右僉都御史提督操江兼管巡江寫勅與他欽遵於本月二十七日到任除具本差官  奏謝天恩外查得先該南京吏部咨准吏部咨題覆廣東道監察御史唐繼祿題爲仰體

聖心陳末議以修人事以隆

天眷事該本部題奉

聖旨是乂旱風霾

上天示警四品以上京堂官俱着自陳欽此備咨南京都察院欽遵今臣到任伏讀

聖旨仰惟

皇上敬  天勤民無所不至向者風旱之變莫非臣下奉職無狀有以致之時臣

猶任外藩自揆不職於例不敢瀆擾今  
叨簡命責任愈隆風憲重臣要非庸  
才可任臣素無善狀何敢冒陟崇階徒  
增鰥曠之愆莫効涓埃之報伏乞

聖恩將臣速罷別選賢能以充任使庶幾  
上贊聖明永孚

天眷臣不勝戰慄隕越俟命之至  
舉方面疏

爲薦揚兵備以肅江政事臣以菲才奉  
命不妨院事提督操江兼管巡江責任專  
以防禦倭盜禁戢鹽徒爲重一切江界  
地方事務於各兵備關涉居多故於各  
官賢否知之頗悉謹以所得於見聞者  
爲

皇上陳之訪得應天兵備副使徐光啓德  
器渾成思慮沉密雅尚清嚴而恩威並

著不動聲色而保障無虞九江兵備副  
使陶承學廉明無私沉靜不撓政事灼  
知大體合屬之軍民舉安籌畫悉中機  
宜江防之兵盜斂戢常鎮兵備副使陳  
學夔風裁凝峻識度高明法立令行紀  
綱爲之振肅慮周備飭江海以之澄清  
淮揚海防兵備副使姜廷順存心中正  
持法端嚴深識事機江海悉資其保障

不大聲色軍民咸服其公平蘇松兵備  
副使熊桴艱險備嘗風猷素著洞悉吳  
中之民隱百姓懷恩屢收海上之戰功  
三軍作氣徐州兵備副使翁時器風神  
清肅憲紀嚴明處衝劇而綜理周詳慎  
防範而姦雄屏息以上諸臣水陸地方  
皆有保障之蹟人品材器足稱一時之  
良如蒙乞



勅吏部查訪如果臣言不謬將徐光啓等  
各循資擢用庶人才思勵戎備益脩而  
江防不爲無補矣

總督南京糧儲謝 恩疏

爲恭謝

大恩事照得臣先任提督操江兼管巡江  
南京都察院右僉都御史嘉靖四十年  
十一月初四日准吏部咨該本部會推

題奉

聖旨萬 陛都察院右副都御史提督南  
京糧儲馬勅與他欽此欽遵備咨到臣  
隨於本月初六日到任當准前任提督  
南京糧儲都察院右副都御史呂 咨  
送原接

符驗一道關防一顆及書吏文卷到臣即  
日收掌望 闕叩頭謝

恩管事仍候

勅諭至日欽遵外竊念兵食乃 留都之

重務而督儲爲軍政之要司况當

皇上改復憲臣之初尤是臣民仰承

新命之際裕茲 國計任必才賢顧以駑

庸次叨 簡擢念臣江防督練功未補

於足兵直省調支才寧堪於足食然過

沐無涯之 寵願陳匪懈之忠調停匱

乏非徒釐飭其積逋曲被軍民當不留  
難於出納庶其裨

聖治之萬一而畢犬馬報稱之初心也伏  
願

聖壽無疆釀大和於宇宙 豐年疊見呈

瑞谷於 苑田民用和同財滋繁殖臣

不勝欣戴

天恩感激之至



國家圖書館, NATIONAL CENTRAL LIBRARY, TAIWAN, R.O.C.

楓潭文鈔卷下

南昌萬 虞愷 著

臨川徐 良傳 校選

無錫顧 起綸 鈔刻

刻李杜詩集序

詩自三百篇變而為騷騷變為五言由  
漢迄晉魏作者不一體亦屢變騷而下  
冲澹雅適得風雅遺趣惟陶淵明近之

比唐則作者益多五言七言長短諸體  
悉備亦各就其才各成其家求其溫柔  
敦厚如風雅者不多見矣然今之言詩  
者淵明而下必稱唐人豈不知風雅之  
足尚邪要之時世風氣之變古風殆不  
可追矣唐詩名家以十數稱大家則惟  
李杜齊名冠絕一代今之選唐詩者獨  
於二詩無敢去取而亦不預選此其詩

爲后世宗信風雅而下莫過也蓋李之  
雄放杜之雋煇各造其極亦有謂其爲  
風雅之變者論者必以李杜並推夫豈  
私所好邪其詩集並行於世傳誦無間  
非一日矣但各處刻本不一又多紛紛  
註釋間有失其意者夫性情之動而發  
之於詩詩本以註作者之性情未嘗不  
易知好事者又從而註之是非益遠於

性情邪近見大梁李公有李刻關中許公有杜刻皆去其註是也不及其文專以便詩學者也惟刻李未及杜刻杜未及李竊以二集並爲後世詩家元宗有志者又孰不便於兼得而並觀也予是以因其二本命庠生邵勲訂其訛間增其逸彙而并刻題曰唐李杜詩集以便觀者以意逆志會而得之存乎其人愚

烏乎敢佞

榮節錄序

無錫俞母楊氏守節郡大夫覈其事以聞諸

天子下議禮官禮官又覈實乃次第旌異之典以復

天子曰然于時獲受典章樹風聲表宅里焉戊戌之春其子憲登進士榜歸省迎

母于京未幾母卒縉紳大夫咸重其節而悲其就養未稔也憲扶櫬歸苦華逾年而同年進士虞愷來令茲土再逾年而將襄事始示虞愷以榮節輯若干卷命爲之序虞愷曰彛哉母之行諸巨人撰述備矣何言哉竊謂婦人之心初無樂乎其節天奪其良其節始見然節有小大涇涇矢心守身不污固婦人之難

而天資之近力能勉者猶可企及母也少事其夫子及孀居數十年無裕質腹產茹辛服荼若將終身而又周旋支持孤燈訓子求無死其夫子卒成二孤憲舉進士窠亦有聲于庠則保俞氏之後而克昌之皆母之節也豈涇涇守身已哉是故關係世教尤不小而天子命之表揚以風天下若曰母之守身

可以風天下之爲人婦者聞其風而興  
焉爲人夫者不幸而不壽者可以無憾  
矣教子可以風天下之爲人母者聞其  
風而興焉爲人子者不幸而失怙者可  
以樂有成矣是故母之節於是爲大而  
榮被 典章也固宜噫婦人無天下之  
責乃能立節爲 國家風世之具爲丈  
夫者顧制役於功名富貴之場喪節失  
身不自覺察其視此寧無深愧哉虞陛  
因有感而書之爲序

五溪丁氏重脩族譜序

嘉靖丁未南溪丁先生自河間太守擢  
山東憲副奉

勅飭兵臨清翼敵貞度宣烈揚休軌物旣  
張干戈載戰暇則纂脩族譜用廣孝思  
明年戊申而業成捐廩命梓以傳會予



亦自南京兵科給事遷是省參議分守  
東兗共事一方承以譜序見屬同心雅  
誼不得固辭乃取其先是河間所刻世  
美集讀之其撰多出宋元及國初諸  
名公之手按據源委宣昭世德如川流  
星布滔滔炳炳可邈而可仰皆信世之  
文也作而嘆曰遐哉盛矣丁氏之先也  
其爲豫章右族豈偶然耶夫江漢之水

滙爲洞庭分爲九江奔騰溯拜亘萬里  
而入于海窮古今而不竭者以岷峨嶓  
塚之源深也按丁氏其先爲齊大公之  
後出濟南而醴陵而新建蓋五代時諱  
映者爲西山始祖六傳而文質遷五溪  
今稱丁塘其子仲熊倡伊洛之學于江  
右嘗與陸象山友又爲朱晦菴所薦舉  
學者稱爲甕天先生自是文學德行之

士彬彬踵出而科名簪組蟬聯璧輝歷  
宋元我 明已然矣故今蕃衍盤據五  
溪不啻杜固而南昌之若港亦丁氏家  
焉不猶江漢之水源深而流遠者乎然  
家譜曾脩於貢士子達又百數十年于  
茲多見殘缺渙散而南溪始復慨然續  
之雖若事有所待仁人孝子之心尊祖  
敦族之誼於是乎見矣竊嘗謂世遠則

易忘族繁則易踈故淵明發行路之嘆  
子美興盤飧之吟蓋傷譜學之不講而  
宗誼之浸微也南溪是舉上以繼數百  
年之緒下以懸千百人之情所關係豈  
小小哉使後人皆知所自出油然生孝  
弟之心不以遠而或忘繁而或踈者在  
是也譜法則並取歐蘇序昭穆尚齒德  
志存歿謹婚姻咸有書法以寓勸戒至

於德業名世行實不群者則詳見世美  
集而譜不盡書焉後之觀是譜者並取  
世美集觀之可以見南溪之所用心而  
亦有所感發興起矣又明年己酉春二  
月甲子序

刻舒梓溪先生文集序

國朝以制科取士得人爲多肇自洪武  
辛亥迄今幾二百年歷科五十有八而

吾江右魁 大廷者十有六人振藻藝  
林蜚英槐棘垂休簡策蓋後先相望也  
乃若出處之同表著天下後世則有一  
峯羅先生倫梓溪舒先生芬焉一峯之  
文久已缺行而梓溪之文世未多見近  
方刻於廣省宮端泰泉黃公方伯蒙谿  
張公旣各爲之序矣顧尚多闕佚先生  
門人文峯熊子杰裒集數年復叅廣本

於是收錄殆備予始得縱觀之因思先生與一峯先後同以敢諫謫官謫且同於閩地閩士民慕其道德風節而宗之既又同俎豆之矣則刻先生之文宜在閩乃携入閩臬僭加商訂謀諸學憲鎮山朱君衡深以爲然而大叅南溪丁君以忠憲副直軒汪君侏僉憲忠池黎君澄麓臬徐君光啓皆誼在同鄉均切景

仰樂捐俸而共成之予讀先生制策如董賢良封事如胡邦衡詩文不獨兼步韓歐而直迺濂洛蓋博極群書根據體要燦然爲規世載道之言其間如論道學則尊濂溪爲中興之聖而不蒲伊川之倍師叙周禮則深斥漢儒附會之非而直責朱子之惑自非確然見理之真毅然任道之重不惑而不懼者敢謾爲

之說耶是殆發前賢所未發有功於聖人之門豈但文焉已哉先生於仰觀俯察律曆象數古今名物無不洞究精微而尤拳拳志在周禮使假之以年得立朝行志舉周官法度以翊

聖皇致休治豈非國家民物之幸顧天奪之早徒使天下後世景仰其直節曷言之風而齋業志匡時之恨豈非數耶

予生也晚輒於遺文三復悼歎豈敢序先生之文哉况先生之亡將三十年而使天下後世人得而仰之凜凜然猶有生氣如此即先生之精神塞乎天地有不待言語文字而存者惟千古而下考德論世亦必有所徵焉則是集不可無也謹述其刻集顛末以諭四方之景慕先生者云

木山傅氏族譜序

木山傅氏世多聞人始祖邦傑贅龔氏  
傳夢吉夢神而盛夢神四世孫玉質公  
予外祖也玉質伯兄瑰仲兄環並以經  
學擅時名瑰子密齋公敬承家學守道  
安貧年八十猶自纂緝族譜成帙偕其  
族弟平山君昇命予以序按初譜未樂  
聞作始於俊芳公俊芳爲夢吉長子發

洪武丙子鄉科官楚藩教授蓋國初  
淳儒也其作譜必不苟至五世孫東厓  
公雲亦發科於正德丙子官知善化翁  
源二縣科名接武時論歸之密齋於夢  
神爲五世孫於東厓爲叔姪最相善嘗  
與謀續俊芳之緒續其舊譜參考精核  
視昔蓋加詳矣故於虞愷有是命愷無  
所知識竊見吾南昌世姓相望禮俗淳

美若有三代遺風自經元季兵燹之餘  
先世多無所考撫拾傳聞亦多失實作  
譜者不免牽合附會於其間惟俊芳時  
去元季爲未遠即傳聞猶得其真且譜  
又創於其手此傳氏譜視諸姓譜爲尤  
足徵也雖自謂高祖以上不可詳及觀  
其由來之自邦傑自嵩山由商霖自西  
洛由宗捷自蜀溪由宋博士君脩期自

王山又由汝川忠肅公晦至獻簡公堯  
俞而止上至宋元祐間殆十餘世傳徒  
次第節節不紊如此邦傑以下又十餘  
世簪纓繼茂胤祚益昌士樂於脩行民  
樂於勤生詩書忠厚之澤綿綿不斬又  
如此矧由今而未艾譬之長河之潤喬  
木之蔭浹九里而于千軻非得之本源  
深固之積亦安能有是哉後之人執此

以修門閥耀華胄者非也尊祖而敬宗  
因睦以和族興孝弟仁讓施之家國天  
下以引令名福澤於無窮斯得作譜者  
意也詩不曰無念爾祖世德作求未言  
孝思昭哉嗣服密齋以之愷不佞敢復  
以是諷諸後之賢者云

南昌龔氏族譜序

木山龔龍岡先生自富陽致政歸修其

族譜既成命乃姪北沙汝隣請予序予  
生也晚何敢序先生族譜惟世託在冰  
玉得習聞龔氏之盛於前輩弗敢辭吾  
南昌多世族龔族爲最繁今蜀溪葉氏  
亦龔族也在木山已有南北寒湖三族  
合西洛板澤西城淡里以及於黃臺共  
二十餘派木山始祭祭出教授公槐西  
洛始宋宋出侍郎公椿板澤始致隆西



城始之徽蜀溪始之厚淡里始之美先  
後皆出御史公杞槐椿杞爲兄弟在宋  
並起進士居進賢之戟溪爲隆興節判  
公順之後戟溪始順又遡順而上之自  
邵武朝請公勗至南唐越國公愈而止  
其黃臺以下十四五龔則又析自南昌  
之各派不一也噫由節判公迄今凡若  
千世幾四百年繁至二十餘族而尊卑

長幼不失其倫何其盛哉福澤之厚醞  
釀發泄久而彌昌至我 國朝木山有  
衡之文學官儒學訓導黃臺有某之清  
節官至按察使沒而祀於鄉賢蜀溪有  
照之廉介爲予同年進士官祠部郎中  
初爲鎮江節推沒而祀於名宦與今龍  
岡公之魁賢科宰名邑進退以義蒞德  
兼隆並足媲美其先世而况將來之英

屢科甲第之盛勃乎其莫禦又山林耆  
逸之老詩書縫掖之士彼此先後彬彬  
然相尚爲君子也猶之江河之水流演  
千派而浸灌無窮非其發源深遠能如  
是哉三王之祭川先河而後海不忘本  
也龔氏合二十餘族皆祖愈而宗順此  
之謂知本知本故仁孝敦睦之道生而  
和氣之感宜其繁且盛盛且久也譜之

所係於是爲人是譜舊嘗修於正德庚  
午又合修於嘉靖丁亥茲龍岡公又修  
於壬子蓋懼其久而或渙無非仁孝者  
之用心也後世薦而守之雖百世可知  
已予何敢贅哉

送督學高臬謝先生陞任雲南大叅

序

予自弱冠時學舉子業于陽明王先生

之徒初聞致良知之說油然而動心焉而未領其旨比嘉靖丁亥先生以征岑猛復駐節豫章嘗屢侍先生視學講授終日躍然如大寐得醒始深信其如水寒而火燥也第親見之晚將欲從之則先生尋物故矣可勝恨哉又嘗就學于歐陽南野先生由是往來南北交遊學士大夫日衆而宗信先生之學者不啻十

九聽其談論無不能以良知爲言察其心迹多判然不相蒙甚至有借託門戶剽襲議論欺人者求其真實用力於良知之學殆千百而一二人耳予方自愧悠悠歲月日就衰翁乃癸丑冬轉官之貴州因感龍場爲先生進學之處固欲追尋其間至則有督學謝高臬爲同志蓋實用力於先生之學而又深自韜晦

耻爲標榜其爲教也多發明先生格物致知之訓予賴以相觀之益爲多非所謂見一二於千百者乎一日同赴龍場謁先生祠宿何陋軒相與月下論學僚友中有疑先生專言良知爲偏枯而知行不可以合一者高泉詰之云孟子始以良知良能對言及指孩提之童無不知愛親敬長不復及良能則孟子亦自

偏枯乎使非合一又何以一言而前後不相蒙乎數語使疑者爲之釋然予因廣其意以質之曰聖賢教人無非欲人先識本體孩提之心知愛即愛知敬即敬亦猶如惡惡臭如好好色見孺子入井而怵惕惻隱皆隨觸即動何所安排何所先後哉此正知行之本體原自合一惟學者纔着意見便分爲二故聖人

之知即孩提之知所謂大人不失其赤子之心者也衆人失其本體故須格物以致其知所謂致良知即復其本體之謂也非知固無所用其致必致而後可謂之知則本體原自合一工夫亦自合一此先生之學簡易直切得諸孟子而象山之先立乎其大者亦此意也管窺之見如此高泉亦以爲然而相期砥礪

於致知之學尤倦切無已友道之篤契合之真豈偶然哉又嘗聞以此意諭諸貴之多士則皆唯唯相信尤足以徵高泉之教不淺而使陽明之澤不斬也可謂盛矣今年夏高泉陞雲南大叅將別多士多士請予言爲贈予復何言陽明之學得宗於孟氏而其經畧中外削平僭亂之功偉然爲當代之望高泉之學

木江先生卷下  
得之陽明舉而措之政治無難也又何有於滇乎因書是爲贈且以爲券高泉自謂爲何如

送貴州巡撫滇野張先生歸上海序  
國家承平既久士大夫積習於燕安仕於朝者不欲任事于外奉使於外者亦必欲擇地之近且易者往焉以爲快然而予奪低昂柄歸選部若起家選部則

力可以自庇據美官以坐至公卿者多矣其肯不辭勞役于外深入不毛以當艱難之任而無所顧望於其間者幾人哉蓋便尊榮之安卻憂勤之責固人情之常也又况於其力能自致者乎滇野張公由選部郎中陟貳奉嘗即乞改南銀臺矣尋自

廷推爲都御史巡撫貴州官屢改而秩不

加於其舊且貴州在藩服極稱偏小爲西南邊徼蠻夷之性叛服靡常綏來控馭有非中土文法所可繩約者其地遠其事難巧宦者之所深避而不居公得是非惟不以爲難且欣然喜曰忠信可行於蠻貊吾茲將有所試矣至則開誠布公集思廣益凡以惠和貞肅柔遠威順之道罔不盡心圖之乃二三年來文

敷武振百僚師師苗夷之逆者殄順者寧士樂其業民安其居四境之內將熙然如春矣僚屬士民方恐恐然慮公榮陟以去顧一朝無事而報罷使群情駭愕詫異莫知所從公復不以爲意欣然喜曰流行坎止吾茲得釋重負矣夫貴州在公可以無來也公既以來爲喜公在貴州不當以如是去也公復以去爲

喜不避艱險委心去留視常情深自保  
固以安尊榮者何相遠之甚哉非所養  
之定所見之大不以得失利害動心者  
其孰能與於此然公以去爲喜愚竊以  
公之去爲憂 國家舉措得失治亂攸  
關嘗聞公在選部進一賢如不得已退  
一不肖如不得已尚書曰否公曰可尚  
書曰可公曰否堅執不撓必求其是而

以至公行之行私以于進者得無有忌  
公者乎或者以此有貴州之來今公在  
貴州居身以澹薄率下以清脩近者屢  
奏平夷之績曾無冀賞之心權貴之門  
未嘗輕投一刺相知慰問惟憑尺素空  
函趨時而取容者得無有以公爲立異  
者乎或者以此有今日之去公以是來  
以是去抑又何愧哉此公之所以喜昔



人謂有位於朝則以餽遺及門爲耻受人任於外則以苞苴入都爲羞公皆有之使公進用未已究其所施豈不可爲國家作廉耻之風而一洗頽靡之俗今之舉措乃如此是則可憂也雖然公行矣

聖明之朝廟堂之上未必無識公者在也  
天性說

夫孝者人之天性也孟子所謂不慮而知不學而能者也故孩提之童無不知愛其親及其長也而後知敬其兄是其良知良能之發見必始於孩提之愛親而敬猶自此而生也然則人心之最真切出於自然而無所強假者非孝而何是卽所謂仁所謂元者善之長而爲人之天性也夫孝根於人之天性爲孩提

之所能知能行聖賢又從而發明之以  
爲訓則人之欲爲孝者率其孩提之所  
知能以從聖賢之訓無難也顧世之人  
雖有讀聖賢之書而徃徃少則慕父母  
有妻子則慕妻子仕則慕君又其下爲  
鬪狼貨財博奕飲酒耳目之好棄父母  
之養而不顧反不能孩提之所能豈其  
性然哉物欲之徇而賊其天性者之爲

可哀也句吳陸君效古以孝聞於時自  
少失父慟不及養竭力事其母母得未  
疾躬扶持數拾年無難色疾亟則顛天  
求以身代果延母壽一紀若有神應母  
沒又自終喪至垂老哀慕不爽其初庶  
幾終身之慕此其大都鄉之士大夫已  
相傳播爲美談矣予聞君一市民也非  
深於讀書者未嘗有學問師友之助而

其所爲如此可謂大過人矣豈非根於天性無所鑿喪其孩提之初而然耶孝弟之道通於神明精誠所極貫於金石惟其一念之真耳君雖不由於學問而其一念之真有非學問之所能及又足以深愧夫世之讀書而不知愛親者此所以亦能感鬼神而孚人言也使由是心而又加之學問以廣其義以盡立身

行道之大其效驗又當何如哉雖然已無忝其天性矣因著天性說歸之君子尚孝輩總角以文行見知於時必能大君之孝又不匱之占也錫類其在茲矣

明故封文林郎鎮江府推官南庄葉翁同配封孺人何氏合葬墓誌銘

嗚呼予忍銘翁也哉翁子祠部君照予同年又同官而孫任又予婿也初嘉靖

戊戌祠部君與予同舉進士方踰弱冠  
貌言惘惘乃心獨追古人而進之予因  
與之交頃出爲鎮江推官沉諒明允聲  
聞焯然在諸郡上凡旁郡之獄晦繁且  
久者悉願歸理鎮江有古廉平吏風中  
丞御史使者極薦許之時予爲無錫令  
尤得彼此映發以供職事未幾由鎮江  
陟刑曹改南祠部予復爲南給舍祠部

君以沉諒予以剛直兩相磨切期日底  
中道蓋自同舉以至此凡十年兩同官  
中間輒離去輒復聚首大都不聚首者  
總之一二歲耳其餘則常聚首亦常以  
中道相磨切也時予有女祠部君以子  
任求聘予心許之未幾祠部君卒而其  
議遂成予之交於祠部君者如此夫祠  
部君能蚤譽於縉紳間而於予爲益友

者以翁之教予既痛其沒未能光大翁  
教而猶有慰焉者以翁齒尚壯視孫子  
榮顯罄翁志特需待耳豈謂八年之間  
翁其遽沒耶嗚呼予忍銘翁也哉翁諱  
時蓋字維器別號南庄本龔姓出南唐  
越國公愈之後名順者自邵武徙南昌  
戟溪傳八世之厚贅蜀溪葉氏而其子  
天德遂冒姓葉氏高祖允恭曾祖子讚

祖思楚考景發號裕齋妣萬氏允恭而  
下皆世忠朴不仕翁生質淳茂造機械  
任真不輕言笑然慕古好讀書通大古  
厚倫喜施事裕齋公甚孝裕齋公四子  
翁居長視諸弟文愛次弟早世撫其孤  
訓教諸姪如已子翁族衆大即五服內  
近千餘指翁和處之不爲恩怨異態間  
有以豪智乘翁者不爲動卒亦多服翁

之誠家舊饒積而翁獨喜澹泊衣粗厲  
衣食藿食終其身亦以是衣食祠部君  
不爲貴易所好至於鄉鄰有急則救之  
傾已貲惟恐不至嘉靖乙巳大饑穀踊  
騰糶翁盡貸所積舒其償入賴以全活  
者甚衆焉翁既好讀書業未竟乃悉意  
教子爲擇名師親督課不爲世俗功利  
糾急之訓而必欲其爲古人以故祠部

君能有立初舉進士爲鎮江推官嘗迎  
翁不就特遺之薪米戒曰吾無毫毛爲  
汝累汝能清白守法度使潤無冤民如  
古廷尉之平則吾榮多矣用是鎮江政  
平聞著監司屢薦於朝坐年未壯不  
得爲諫議官陞刑部主事將復改顯秩  
乃固辭乞南得禮部遂遷祠祭郎中時  
翁旣以推官蒲考

恩封如其官乃謂南都近一就邸舍視行  
事予於是始得見翁翁貌重言簡嘗謂  
予曰吾老不知有富貴事不能爲貌恭  
獨有老實心耳予聞之既深服翁之盛  
德而益嘆祠部君之善似翁也居旬月  
即歸未幾而祠部君下世矣翁課其孫  
任如課祠部君翁體壯大寡皆慈素少  
病即病未嘗卧床席至此一病遂不起

乙卯七月二十二日也距翁生弘治辛  
亥十月十七日僅六十五歲配東蒙何  
氏副陸氏何爲處士喬之女慈靜克順  
翁意事裕齋公萬孺人甚孝佐翁撫諸  
弟姪及訓敕諸兒孫無間言而綜理家  
計不令翁有內顧憂孺人多產成育獨  
祠部君待之雖幼慈不忘戒及卒能不  
爲兒女子痛以傷翁心日撫二孤孫亦

如撫祠部君生弘治壬子六月初一日  
同翁受

命封孺人卒嘉靖丁巳六月三日年六十  
有六距翁卒僅三年耳子男五長即照  
南京禮部郎中丁未年先翁卒娶辜氏  
封孺人餘俱早殤女一適進賢霽山朱  
應元孫男二長任縣學生娶萬即子次  
女所心許祠部君者也次脩聘西田李

孫女一適憲副齊譽長子京茲任卜今  
巳未十二月二十四日奉翁暨孺人柩  
合葬王家園以狀乞予銘嗚呼翁之世  
積厚矣顧有子駿發乃不竟以卒而翁  
享亦不及稀年豈造物者固將斲之使  
益厚其儲以光大翁嗣裔乃斲斲如此  
耶故予道所以不忍於翁而因發翁裕  
後之善以昭垂於無窮銘曰



厚積而屈既光乃鬱胡不久熾益儲而  
發我銘其藏永貽休烈

明威將軍岷州守備睢陽衛指揮僉  
事脩菴湯君墓誌銘

指揮湯君者滁之來安人也其先名寬  
者從

高皇帝起兵以功授總旗寬生銘陞睢陽  
前所世襲百戶銘生庠正統中北征有

功陞本所副千戶庠生僕襲百戶而生  
卿卿君之考也屢以戰功陞本衛指揮  
僉事至 中都留守卒於官自銘至卿  
皆官睢陽故今爲睢陽人君諱易字宗  
羲嘉靖癸卯襲指揮僉事署河南衛印  
又署本衛印管屯丙午考選軍政掌衛  
事辛亥領班入 衛丙辰復奉考選掌  
衛事陞岷州守備二年以疾辭謝歸始

君掌衛事能以衆備虜于彰德入衛能檢戰部伍不逃竄在岷州能有斬獲功令番夷不敢犯岷地故當事者屢薦君欲大用君也而君以疾去君居家痛留守公早卒事祖母母以孝撫小弱弟以慈而以廉節忠信訓其家人以故內外歡然無間言而又自築圃東廊數里外與鄉士大夫徜徉于水竹花石自樂

而終其身生成化癸亥六月一日卒嘉靖辛酉九月二十一日年五十有九配恭人李氏衛鎮某之女有賢聲生弘治壬戌十月十六日先君卒于嘉靖癸丑九月十八日年五十有二子三希韓襲君職指揮僉事娶劉少叅某之女希范希富皆大學生范先娶指揮梁君某之女卒繼王富娶左司馬石岡蔡公女蔡

君掌衛事能以衆備虜于彰德入衛能檢戰部伍不逃竄在岷州能有斬獲功令番夷不敢犯岷地故當事者屢薦君欲大用君也而君以疾去君居家痛留守公早卒事祖母母以孝撫小弱弟以慈而以廉節惠信訓其家人以故內外歡然無間言而又自築圃東廊數里外與鄉士大夫徜徉于水竹花石自樂

而終其身生成化癸亥六月一日卒嘉靖辛酉九月二十一日年五十有九配恭人李氏衛鎮某之女有賢聲生弘治壬戌十月十六日先君卒于嘉靖癸丑九月十八日年五十有二子三希韓襲君職精揮僉事娶劉少叅某之女希范希富皆大學生范先娶指揮梁君某之女卒繼王富娶左司馬石岡蔡公女蔡

氏者烈婦也希富死既殞蔡亦即柩縊  
死有司以奏 詔旌其門女三長適指  
揮張希夷次許指揮雍來臣卒次適指  
揮田國安孫男四敬政徵希韓子敏希  
范子孫女六子族人多客睢州佳子過  
睢州以故得知君而聞蔡氏事今子官  
劉都君之子韓范介子族子來告君與  
李恭人合葬之期而謁于文以銘諸墓  
嗚呼將吏之立功無異女子之立節固  
各係其所遭也蔡之烈偉矣亦豈非所  
遭使然耶君本起世胄宜習爲雄勇喜  
事出萬死轉戰立功以報

天子屢世恩德然遭逢

聖明武力無所用得徜徉山隈水曲以樂  
而終其身此豈非其所遭之幸耶籍使  
君之遭于世如蔡之遭于夫則君其當

必有所立矣夫貪富貴者必愛身君能  
乞休于將用之日此予所以知君之能  
有立也矧狀稱君能以廉節訓其家人  
則蔡之烈又未必非君之素教使然也  
君其將果有立耶予又惜君不得所遭  
而無以自見也蔡君之子婦也本不可  
以同日語然其理偶有可以相形而見  
者予故並著之以見君之可紀者云銘

曰

不武以耀維其時不涵以娛永有辭巧  
文以顯君之嗣嗚呼君其寧于此



國家圖書館, NATIONAL CENTRAL LIBRARY, TAIWAN, R.O.C.

